


OKHALIHIWA AANA ³

 ...Neville. Mooxeleliwa, muxovo. Hiyo khanreere otteeliwa murima otthika-tho wira nookhomaseni-tho mwa Nsina nle noomalela mwa sothene na Pwiya Yesu. Niroromelaka wira mwaahikhalana esumana yuulupale ya ittottopeliwo Sawe ni iparakha.

² Kirwaaka paahi voosiis'ula, kookumanana mwammiravo mmosa iwe nto owo khukivaha nipawe naamukhaani na Nlaikha nookhapelela naawehexexa anamwane anli. Nto nkaasuwela wira ole aari Daulton, mwammiravo Daulton.

³ Nto va isumana vakhani sivinre, ahiiso vakhani... Isumana soophiyaka piili sivinre, aahikhala tiithi mmosa, tiithi muKristu, aavekenle mwaha wa mwan'awe mwaaruusi nlelo ahaari muKristu, okathi weemenly'awe muliinyani mwa mavekelo. Vano Eroho Yowarya khuhimya mwa, "Miyo—miyo kinnoovahani mwan'inyu." Nto owo ori vaava voosiis'ula, oowoopowa ni oopatisiwa ni Nsina n'Apwiya Yesu, okilanthé vaplataforma, vekeekhai ntoko Eroho Yowarya yaahimaly'aya. Nto anamwane akina othene arookilaathi voomwaramwareya. Miyo koosuwela wira amusi Daulton t'ohakalala.

⁴ Kinnimoona muhano mwaamukhaani vale aavekeleliwe mwaana Ettiminku evinre, yuupuweliwa wira aamookhwa. Kinnoona wira nlelo ori ni hiyo voosiis'ula, ni hiyo khanreere otteeliwa murima mwaha wa yeeyo, munna. Yuupuweliwa wira aaroorakala nanttethe, nave khaarina. Tivo hiyo nooxukhuru vanci-ene.

⁵ Kinniwoona apatthan'ihu othene ooreera murima. Kinnimuupuwela mulopwan'ola va aarwiiye wa miyo wa nvaanelo w'omeekha o—oChautauqua emaara emosa, kookupali wira waari weiwo. Kaahikhalana yolya ya voosiisu ni nyuwo n'amwaar'inyu n'anamwane, kookupali...wala nyuwo n'amwaar'inyu, wala anamwane, ayo, nave. [Munna mmosa oniira, "Middletown."—Mol.] Middletown, o...Masi hiyo othene...Kinooliyala nsina nenlo, tivo miyo kinihana paahi Chautauqua. Ayo, mulopwana. Anci-ene w'axipatthani aka ooreera murima.

⁶ Munna Charlie Cox ni Munna Nellie muthiyana va, yaawo ankhalaka etthoko yanenli wa miyo, nto vekeekhai vaamuweryaneya nyuwo okhala an'aka. Miyo kinoorowa iwe, ti weiwo onivirih'aka okathi aka munci-ene w'omumula, ti weiwe. Owo ti mulipa-ooxaya mireyi oosuwelexa oKentucky okathi onkhal'aka Indiana. Nto tivo oIndiana...Nto Charlie, kinimooleelani miyo kinoowehererya paahi, kinnoona vanci-ene ntoko wira kaahaana ovara ikrapu iye wala ihopa sa malepa

kininatthi opacerya iwe. Vekeekhai kinoona ntoko kaamuwerya oviraha oratteene.

⁷ Munna Parnell...Par...Arnett, a oLou...oKarolina du Sul. Ni Munna...Ahe, aakhala anci-ene va oohiyana-hiyana anikhuma mapuro oohiyana-hiyana, anoorwa voosiis'ula onithotola.

⁸ Moosuwela, hiyo khanrina hata enamuna ya eyiirelo mpantta va. Hiyo nrina opatthana paahi mmosa ni mukhw'awe, okathi Ephome ya Yesu Kristu, Mwaana a Muluku, ennirapih'aya sootakhala sahu sothene.

⁹ Vano, ninkhalana osoma wooreerexa, woovuwa paahi. Ni hiyo nri, mano miyo ki...miyo koosuwela wira onnikisivela, ni koosuwela wira othene nyuwo onnoosivelani nave. Imaaara kamosa-kamosa kimpacerya mwa nihiku, olavula yeeyo wala osoma yeeyo, kinookuxa iversiikulu ntoko piili n'upacerya ovira mwa Soolempwa nto, naanaanoru, koovira okhuma Maphattuwelo mpakha Wiisuupulula, nlelo kirowaka.

¹⁰ Nto, nyuwo moosuwela, kaatthuna kikuxe okathi vaavo waarow'ahu owerya—vaavo waarow'ahu owerya okela Eliivuru ya—y'aHeperi, ni okuxa paahi ntoko...Ahe, waaphiyaka okathi wa mireyi, ntoko Setem...ntoko Out...Agosto, nyuwo moosuwela, ni otthariha mpakha okathi w'orowa ilapo s'okhopela, khula ohiyu Eliivuru y'aHeperi paahi, wala Eliivuru ya Okhuma. Moota Muluku, Okhuma, aakumihaka atthu Awe w'Ejitu, okhuma! Nthoonyeryo wooreera saana wa hiyo vano niilikanyihaka mwaha wa okhuma wahu. Eyo, oh, eyo ethhu yooreera saana. Yoolempwa yothene enoottavana, nto onkhala Wahala mmosa muulupale.

¹¹ Vano, voosiis'ula hiyo nri—hiyo nlelo nri Eliivuru ya... Naarowa okuxa ikapiitulu tthaaru soopacerya sa—sa Eliivuru y'aEfeso. Epaphelo ya Paulo wa aEfeso wEfeso, otthunaka, okhaliha ekereja vooপুরoni. Nto nihinatthi waattamela, vaamuweryaneya ovahererya okathi mukina wala miili wira nivekele, nihinatthi wira.

¹² O Pwiya, Muluku ahu, hiyo nnoorwa ohoolo Wanyu vano, oohiphwanela ntoko sikhanly'ahu, nnakhala vo ninnisuwela wira wookhala Mukuttho w'Ephome iwe onlipelela, onnirapiha soonanara sothene, n'univahererya ohoolo w'Atithi, oohittheka, oohikhala nthowa. Khiivo hat'ethu naakhanly'ahu wairaka wira niphwanele yeela. Masi okhala wira Yesu ooniirela yeela hiyo, hiyo ninnuurama voowiiyeviha Ohoolo Wawe ni Nsina Nawe, nivekelaka wira Nyuwo nveleelihe Eroho Yowarya voosiis'ula eriyari ahu. Ni mwa ohikhala teyooloku wala osuwela moota wookhaliha Yoolempwa vooratta-vo, masi oohakalala paahi ni ooxukhuru wa moonelo wa Eroho Yowarya okathi Eyo eneett'aya mmukhaleloni mwaka, Eyo enreerihe othene hiyo vamosa okathi onsom'ahu Masu Anyu oolempwa, wira Awo akhale Ekumi

Ehinimala wa hiyo. Munivahe, Tithi. Hiyo ninvekela mwa Nsina na Yesu ni mwaha wa Yesu. Amen.

13 Vano kaamuwerya ohimya va, toko, wira vakhala wira khula okathi kaarow'aka ohimya etthu yaarowa okhala yoohisivela, ehinkhala saana, khino yoovonyeya voomalela ni wiixuttiha wanyu, wala etthu mwahaakhanly'anyu ookupaliki, kinroromela wira Eroho Yowarya, wira Eyo enookhaliha yoolukiwa saana ni yoosiva mpakha vahi...vahinkhal'aya oveeha nnakhala. Munnona? Wira enoo—enookhala ni ophenta ni opatthana, wira eyo t'ile ekhanle...Entthuneya wira ekhale siiso.

14 Nto yothene ela epacenrye ni elaleeryo Ettiminku evinre, kookupali wira yaari yeeyo, Ettiminku evinre voosiisu, ntoko *Mwene Ookhoottiwa*. Ookhala ophwanye efiita ene? Kinoona wira awo aakhalanasa, ni nyuwo munoowerya okhalana mwaatthunaka vale seiyo, *Mwene Ookhoottiwa*.

15 Vano mahiku vakhani paahi nto nnookhala nipaceryaka o...wu oMiddletown, Ohio. Hiyo nintthuna wira othene ale arina wiithy—wiithyuuwa waya okathi yoowo elipiherye wira nnookumana weiwo, 'okhala wira ninwehererya okathi muulupale w'opatthana oMiddletown, Ohio. Totori Sullivan t'okhanle mahooela, kookupali, a ekomite. Nto onookhala ohiyu mithanu wa yeeyo, kinrowa okhala kilaleyaka ntoko mu—mulipa-oolavula oolattuliwa oMuthukumanoni wa Mulaponi wothene wa ekereja Eriyari ya miromolelo. Vano nto—nto nuumala, onrowa okhala muthukumano ahu yoohi okhuma vaavo mpakha ohoolo. Nookhalana wootthokihwiene mpakha mahiku yeettaka muloko ni maili, masi ni esuwelelo wira naamuwerya okelela ohoolo muhina mwa esumana ekina nuumala yeeyo, entthariha moota Eroho Yowarya eneettihery'aya. Hiyo othene nintthuna weettihiwa ni Eroho; ele Eroho nihimya'aya paahi wira mwiire, vano mwiire vowaakuva.

16 Nto nrowe nuupuwele okathi oniiwelel'ahu Eroho, nisomi nimoso nuulupale nintthun'ahu wiixutta, ti ohikhalakhala naakuvaka. Moone, mukuxe okathi anyu, mukhalane waamini. Nanvekela-ru Muluku etthu p'itthu, muupuwele Muluku onnaakhala mavekelo. Owo oniira okathi Awe, enamuna eri yooreera, onivariha enamuna ekhanle oratteene wa hiyo. Nto yaahikhale siiso, nto hiyo niniira exeeni va voosiis'ula? Exeeni—exeeni nnihimery'ahu oKristu? Muluku...Ala yaahikhale Masu a Muluku, weso Awo kahiyo ekeekhaii, weso nimphwanyaneya mwa atthu ootepa otakhaliwa.

17 Miyo kinnixukhuru opatthana mirima n'anci-ene va ansuwela wira Ala Masu a Muluku oohivonya. Vano Awo, Moolumo othene Awo Ekeekhaii, khula Nuulumo na Yaawo, khula okathi a Yaawo. Nto ni mahala a Muluku, koophwanya oreeriwa wo wona Muttetthe weiwo onrow'ahu orowa nihiku nlo.

18 Nsana. Athu khansuwela okathi xeeni woolamwiha onoorwa ni enamuna yeela ya muteko. Nkireere okhala oolamwa, ni kaahaaleela amwaar'aka, "Kaanitthuna kironwe-ene."

Awo khwira, "Munihimeryani yeeyo, Bill?"

Miyo khwira, "Oh, nno kirina mikattyamiho ni itthu."

19 Vano nto yaakhala ntoko Eroho Yowarya yiirale, "Nyuwo muneesa osyaka seiyo? Nyuwo, nyuwo muneesa oxerekela seiyo?" Munnona?

20 "Nnari," miyo khwira, "mukitthuniherye paahi wira keemele ohoolo wa sothene ni okhala oolipa. Moone, paahi. . ." Munnona?

21 Ti yootepexa oreera. Vaxariya-vo, vekeekhai, miyo kinihimya ela ni onamoona, wira ekumi ila emalakar, ninkela Muttetthe onvikana etthu p'itthu mutthu aakhanly'awe wupuwelaka. Ni yaakhanle-ene aletto va, kinroromela wira nyuwo khamu. . .Miyo kininkelela Muluku wira muhikuupuwelele ntoko namathipelela. Miyo—miyo kintthuna, etthu p'itthu, okhala naxariya ni ohimya Ekeekhai. Ni ereerelo xeeni yaarowa okiiriha miyo ohimya etthu eri yoovonyeya, ekhanle-ene yinceene—ekhanle-ene yinceene eri va ekhanle Ekeekhai? Hiyo, mwaha wa xeeni nrin'ahu ohimya etthu yoovonyeya wa yeeyo? Munnona? Awo, Awo Ekeekhai tu.

22 Ni, khivanxankiha, kookupali wira Paulo aahikuxiwa mpakha erimu ya neeraru, nto owo aahoona itthu sahaatthuneya owo ohimya. Nto nihiku nimoso owo khwira, "Itthu niitho sihoonaly'aya, niyaru sihiwaly'aya, wala sihiphiyale vamurimani va mutthu, seiyo Muluku orin'awe w'ale (aasukenly'awe) ale animphenta."

23 Oh, hiyo ninkhala paahi. . .Hiyo ninkhala vasalani vathi va, ti yeeyo tu, nikuttha na ikokhola paahi noosareya mwi—mwiixi wa makhala a mooro wa soonanara. Sa. . .Hata yoohi nihikhalaka oorava yeeyo, hiyo ninkhala mwemmo, vaavo mwiixi onikhum'aya munikupettheni mwa makhala a mooro a etampi. Emosa wa itthu sootepexa weettiha murima kinwery'aka wupuwela, okhwipi wa ikokhola sa mmuttettheni sivyaaka. Mootoko waattamela emosa? Wunkha iwe, wa mwiixi woorava itthu oviraka mwa inamuna sothene sa itthu soonanara. Nto—nto nyuwo mwiimurya-ru, vano onimootepanyani.

24 Miyo kinnuupuwela wira kaahaana orowa oNew Albany wu, wu o. . .ohitto Ephiro Muloko ni thanu na tthaaru, wu weiwo naari nsala na khalayi, ni kaahaana oliviha iwe ni osoma miyaalikelo. Nto kaanoovaka nihiku eyo yaakhal'aya, ephiro muloko ni thanu na tthaaru, okathi waarin'aka okuxa ele ohitto iwe, okhala wira waari wunkherya wunkha iwe woonanara. Nto nlelo, saakumihiwa vale saari irutthu sa makhule ni alapwa

n'itthu sothene, moosuwela, saavya ni mwiixi ule waatthuwa okhumaka vaavo.

²⁵ Vano, nnakhala vo, eyo t'ile ekumi ila enlikanan'aya, vooreera waya. Enoovya paahi, etampi eninkha mapuro othene, ntoko saary'aya, naalavulaka wa erooho. Masi, oh, weiwo etheku eninseelel'aya vootaphuwa, ni itthu sothene sikhany'aya sooreerexa ni murettele ni otthapa ni Ekumi Ehinimala, epantte ekina ya muro paahi. Masi hiyo nri mukhottoni, tivo nihirupaathi paahi ni wira "nrowe naakuve niphaye iwe," nrowe naaruhe ni hiyo othene ale onwery'ahu waaruaha. Ayo.

²⁶ Nto vano niwoko na masomi ala ti waalipiha ale alapuwenle Muttetthe ene. Niwoko na yeela, osoma Eliivuru ila y'aEfeso, ti okhaliha ekereja vopuroni vaavo enikhal'aya voomalela mwa Kristu. Nlo nthoonyeryo na Waataana Wa Khalayi ni Eliivuru ya Yoxuwa, vaavo Yoxuwa aakawaly'awe. Ettiminku evinre hiyo naahoonu, vaavo Yoxuwa aamukawenly'awe muttetthe khula mutthu. Ni owo iirale ni muupuxeryo.

²⁷ Moota Moise aary'awe... aakumihenry'awe atthu ota wa wEjitu, wa aayu, wa aayu pooru, nto khwaavaha nipuro vaavo Muluku aalaihenny'awe iyaakha imiya xexe ohoolo waya... ahiiso iyaakha imiya xexe khalayi, wira Owo aamwaaruha mpakha nipuro nimosa, muttetthe wooreera onikhuma eleethi ni oravo. Vano Moise aahiweettiha aana a Isarayeli mpakha muttetthe yoowo, masi khaavirinhe mpakha epantte ekina.

²⁸ Ni Yesu, wa erooho, w'atthu anrowa... hiyo noolaiheriwa Eroho Yowarya okhuma wopaceryani, Yesu ooneettiherya mpakha natiri. Masi Eroho Yowarya ehoorwa, ntoko Yoxuwa, wira exintte ni ehoolole ni yeettiherye ni okuxa muttetthe, wala okuxa ekereja. Hiyo ninniphwanya, voolipiherya, nto, wira muhina wa yawihu... .

²⁹ Vano va ti vatthu, khino, atthu yaamurowa wuupuwela wira miyo ka oolipa murima ni kineeserya ohaacala axinna. Nkihiyo! Muluku okhale Mphuki aka, nkihiyo. Munnona? Miyo kintthuna othoonya paahi etthu ekhanle Ekeekhai. Munnona? Hiyo ninnaathanla ahooleli, a atthu, nihiyaka ohoolela, ahooleli, ohoolela wa Eroho Yowarya. Hiyo ninaatthuna atthu onikawela epantte ahu ni onihoolole, miromolelo ntoko Metotista, Patista, Prespiteriyaano, Luteraano, Ekereja ya Kristu, Pentekosite, ni miromolelo soohiyana-hiyana, wira sikhalihe mutthenkeso ntoko ethoonyeryo, ni hiyo nintthara yeeyo. Masi hiyo na... .

³⁰ Khanivo hata nipuro mBibiliani nri wira niireke yeeyo. Khiivo hata yoosoma emosa ya Yolempwa, muhina wa Bibilia othene a Muluku, Owo otonko awe otthokiha ekereja wala Owo otonko awe olavula mwaha wa mutthenkeso, hata nipuro nimosa mBibiliani. Masi okathi wothene onoovirikanya yoowo. Owo khontthuna wira hiyo nipakiweke sittharihiwaka

ithu sa molumwenkuni. Owo onnitthuna hiyo v'omeekha, oovalaanyiwa.

³¹ Vano nkinihimya okhala “mulolo,” ntoko siniihan'ahu. Kihinimya okhala atthu yihaneliwe okhuma, oh, nloko n'atthu ooreerihiwa oowaarya, ekhalaka makhalelo ari vasulu va ehaaya, niiraka, niiseettihaka mmansihu ntoko Owo aarow'awe wira, ovaraka muteko mwa hiyo, okhala wira hiyo na yoopakiwa Awe, oopattuxiwa mwa Kristu Yesu wira nivareke miteko sooreera.

³² Vano, Namararu ohiyu, anci-ene a nyuwo khimwaari vaava Namararu ohiyu, masi hiyo naahikela e...Kookupali wira eversiikulu 3 ahiiso mu...Nnari, eversiikulu 5.

...wira *nikhale aana*, wala okhalihwiwa voopuroni w'atthu...

³³ Moota Muluku, otthunaka waakhaliha voopuroni atthu awe. Nto okathi Muluku onimukhalih'awe mmosa, nto, oh, ekereja yothene entthuna ekhaleke ntoko yoole mmosa, okhalana muthinto mmosaru wa itthu, wira itthu imosaru. Hiyo niniikitthiwa voovirikana, hiyo nimpakiwa voovirikana, hiyo ninvahiwa mukhalelo voovirikana, ni ninkhalihwiwa voopuroni voovirikana, khula mmosa wa muteko woovirikana; khino mmosa wa muteko mmosa mukhaani, mukina wa muteko muulupale. Kookupali wira aari Davidi wala mmosa wa maprofeta, kinooliyaka vano, iirale, “Kaamuthanla okhala namuteko vamukhora Mpaani mw'Apwiya, ohikhanle okhala... okhala muheemani n'ale ootak-...ootakhala.”

³⁴ Vano ninrowa weemela esekuntu emosa paahi mwa okhalihwiwa aana, eversiikulu 5, neeseryaka ophiya voowaakuva ntoko sinwery'ahu mwa yeeyo. Masi vano muupuwele mwaha ene, onihimya okhalihwiwa voomalela. Akavi aniiwa saana yeeyo? Niwiweni mwiraka vamosa. Okhalihwi [Muthukumano oniira, “Okhalihwi”—Mol.] Erutthu [“Erutthu] ya Yesu Kristu [“ya Yesu Kristu”] voopuroni [“voopuroni”] mwa Kristu [“mwa Kristu”] memmo Eroho Yowarya [“memmo Eroho Yowarya”] enneettihery'aya. [“enneettihery'aya.”] Eyo eri vo, vano nookhalana, moone. Enikhalihaka hiyo voopuroni, Eliivuru y'aEfeso eri wira yiire yeeyo.

³⁵ Nto nkanweheni muxuttih'ola muulupale, Paulo. Ethu yoopacerya owo onir'awe okumiha ankhili othene a ohiya waamini. Okumiha ankhili othene a otoko “okhala muKristu olelo vano meelo miyo koorowa, nto nihiku ninttharelana Muluku ookilamula nto nihiku ninttharelana kootthika-tho.” Owo onkhala ololo! Vano ela ti...Eliivuru ila kheniruheliwa mwixuttiho w'enamalaleya, mitthaka s'enamalaleya. Hiyo khani...Miyo nkinkwannya ela mmapuwani. Miyo kiniruhela ela ekereja, okhala wira Paulo aaroihenle alipa-oowaarya, ale yihaniwe khusukiwa, ni asarihiwe ni avalaanyiwe, ni

ari mwa Eroho Yowarya, aphiyale Muttetthe w'oKananani. Owo oneeserya waahimeerya, etthu yoopacerya, mukumihe mmuruni mwanu wira munrowa opweteya ni wira munrowa wira *ela*, ni wira munoova *ela*. Muhooveke hat'etthu, maana owo oneeserya woohimeeryani vatthu vary'anyu, nyuwo mw'ani, moota mweemenly'anyu.

³⁶ Vano, khino nyuwo muniira itthu soonanara, ni khula okathi muniir'anyu etthu yoonanara munooliva mwaha wa yeeyo. Ayo, mulopwana, munoohepha ele enaal'anyu! Masi eyo kherina naata ni woopowa wanyu. Okathi oniyariw'anyu ni Eroho ya Muluku, mookhalana Ekumi Ehinimala ni khivanweryaneya-tho okhwa siiso vahinweryaney'aya Muluku okhwa. Nyuwo mwa epantte ya Muluku, nyuwo mwa mwaana a Muluku.

³⁷ Miyo kiyariwe Branham. Nyuwo khino munookivaha nsina nikina, nsina nikina, masi khaninkivukula, miyo nlelo ka Branham. Kiyariwe Branham, okathi wothene kinookhala Branham. Miyo ki...Khino miyo kinookhala ootepanyeya nihiku nlo, kinyanle-ene mwaha wo wiipiwa makhonyokhonyo, ophwanyana ehasara khurakala mpakha olikana n'enama, masi nlelo kinrowa okhala Branham! Mwaha wa xeeni? Ephome ya Branham eri mpuwa.

³⁸ Ti yeeyo nyuwo mukhanly'anyu. Ni vakhalaru wira Muluku ohoopakani...Vano muupuwele, miyo nkinlavula n'ale ari ota wa Kristu. Kinlavula n'ale ari mwa Kristu. Munkela sayi mwa Kristu? "Mwa Eroho emosaru!" Ileetera suulupale E-r-o-h-...yeeyo enihimya wira, "Mwa Eroho Yowarya emosaru hiyo noopatisiwa mwa Erutthu emosaru." Nri sayi hiyo...Ninkelamo sayi? Ni opatiiso wa maasi? Moota kiry'aka oovirikanyana ni nyuwo aPatista ni nyuwo Ekereja ya Kristu. Kahi ni opatiiso wa maasi, nnakhala vakhani! aKorinto Oopacerya 12, ahimmye wira, "Mwa Eroho emosaru, Eroho Yowarya, ninruuhiwa mw'Erutthuni memmo." Ni nri salama ntoko Erutthu yeeyo ery'aya salama. Muluku ti...t'olaihenrye.

³⁹ Vaaweryaneya sayi Muluku omulamula-tho Yoowo, Owo oronwe-ene oKalvario? Awelaka oKolkotha, Owo aahimaniwa, khuvulalihiwa, Owo khaakhanle oovonihaka, Owo khaawerya hata olavula nuulumo nimoso, paahi. Mwaha wa xeeni? Owo aakunxe itampi sa molumwenkuni mwa Yoowo. Kahi mwaha wo wira Owo aari natampi, masi "Owo aakhalihwe etampi" mwaha wa miyo ni mwaha wa nyuwo. Itampi sothene sa molumwenkuni okhuma Adamu mpakha orwa Wawe, simmumula mmakhatani mw'Awe. Nto Muluku khaamuhukumu Mwan'Awe. Owo aahukumu etampii. Munnoona moota yaary'aya yootakhala? Owo aavaha mukuttho w'ottipiha itampi. Owo aapaka ephiro ya ntthyawelo w'ale othene Muluku, mwa osuwela Wawe khalayi ene, aasuwenly'awe wira yaamoowa. Ninookela mwa yeeyo minuutu vakhani.

40 Vano, nto, okathi nyuwo mu “mwa Eroho emosaru hiyo othene onipatisiw’ahu mw’Erutthu yeeyo, Erutthu emosaru, okhanle Kristu,” nto hiyo nri salama voohimala.

41 Vano, vo ti vatthu vankhal’aya ntoko omora vootikiniha, vanci-enexa a—a—alipa-oowaamini Arminiyaano, wira awo ti. . .ahaana wira etthu wira ephwanele mmansaya, wala etthu emosa yoophwanelela. Enkhala sayi ni itthu piili okathi mmosaru? Enikhala ni mahala ahiiso ni miteko, emosa. Khivanweryaneya okhala ni etthu emosaru, enkhala ni itthu piili soovirikana; ehaana okhala ni emosa. Eyo e. . .

42 Miyo, wulu, nkinwerya woona hat’etthu ekina yoohikhala mahala a Muluku. Ti yeeyo miyo epakaniw’aka. Miyo kweekwe kinnaamini mahala. Miyo othene ka mahala, ti yeeyo tu. Nkihiyo miyo—miyo. . .hata mw’ekumi aka, okathi waary’aka mwanamwane, nkaawerya woona hat’etthu, mahala paahi, mahala. Awo aniira, “Miyo—miyo ki. . .Nyuwo mukisune ottuli waka vano miyo kinoosuna wawinyu.” Ahe, nlo nuulumo noonanara. Masi miyo khenikicala sinto nyuwo munoosuna wawaka wala nnari, wawinyu waatthunaka osuniwa, miyo kinimoosunani khula enamuna. Moone, mahala. Ayo, mulopwana. Moone, mahala anvara muteko ni ophenta. Mwaatthunaka vale! Voohicala sinto khamunatoko okiirela hat’etthu, miyo—miyo nkirina naata ni nyuwo, nyuwo mwaatthuna miyo kinoowiirelani khula enamuna. Mahala! Okhala wira munnitthuna!

43 Miyo kaanitthuna woopowa. Khiyaakhanle etthu yaawerya okoopola. Khiyaakhanle etthu kaawery’aka wiisiirela mmansaka, nkaawerya hata wiisoopola ntoko hat’etthu. Masi kaanitthuna woopowa, okhala wira kaanimwaamini Muluku. Nto Muluku khimuruma Mwan’Awe, khwiikhaliha ntoko erutthu y’etampi, wira ohaawe nipuro naka, nto miyo khoopoliwa, ni mahala paahi kihoopowa. Khiivo etthu emosa kaakhanly’aka wiiraka, wala nyuwo wira, wira mwiisoopole mmansinyu. Vano ale Owo aasunwenly’awe khalayi ohinatthi opattuxiwa olumwenku. . .

44 Hiyo naari mwa yeeyo, Namararu evinre. Naahooniherya elatarato ya Muluku mwa Elah, Elohim Awe, ni khooniherya wira Owo aari ole okhanle mmansawe. Masi muhina mwa Yoowo waahikhala oTiithi, muhina mwa Yoowo saahikhala iphwanelo soohiyana-hiyana, ntoko Moopoli, ntoko Mpenuxa. Sothene iyo saari mwa Muluku, ni Muluku aari ole okhanle mmansawe. Masi ekhalaka wira Owo aari Moopoli, Owo aari Ti- . . .Owo khaarina hata Nlaikha, Owo khaarina hat’etthu. Khiyaakhanle hat’etthu woohikhala Yoowo mwaneene. Owo aari ole okhanle mmansawe. Khiivo hat’etthu yaakhanle woohikhala Muluku.

45 Masi ekhalaka wira Owo aari Muluku, nto yaahaana okhala etthu wira emukokhorele, okhala wira Owo waanimusivela

okokhoreliwa. Nto Mukhalelo Awe Mwaneene khupattuxa soopattuxiwa wira simukokhoreleke Yoowo. Vano, okathi vakhani, nrowe nikwannye-tho, okathi vakhani vano, khaninrowa okuxa etthu yothene, masi munoophwanya mufiitani. Masi nto okhala wira Owo aari Muluku, Owo khupaka Malaikha, nto Malaikha khimukokhorela. Malaikha nlelo annimukokhorela. Vano, Malaikha ankhala Ohoolo wa Muluku aakhalana mapupha nimosa nnikhw'aya, thanu na mosa, mapupha mathanu na mosa. Awo arina maili owiitho Waya, maili munawoni mw'Aya, ni anvava ni maili, Ohoolo Wawe, ekhuwelaka othana n'uhiyu, "Oowarya, oowaarya, oowaarya, Apwiya Muluku Oowerya sothene." Ti yeeyo Yoolempwa enihimiy'aya. Awo yaahimukokhorela Owo, vano eyo khupattuxa etthu wira emukokhoreleke.

⁴⁶ Vano muhina mwa Yoowo waahikhala mukhalelo wa Moopoli. Vaaweryaneya sayi emosa wa Soopaxuttiwa iye, okathi wahaakhanly'aya hata etampi wala miyuupuwelo s'etampi, vaaweryaneya sayi emosa wa Seiyo opweteya? Khivaaweryaneya okhala. Tivo yaahaana okhala etthu yoopakiwa yaaweryaneya opweteya, wira Owo awerye okhala Moopoli. Muhina mwa Yoowo aari Mpenuxa. Nyuwo munnaamini wira Owo Moopolii? [Muthukumano oniira, "Amen."—Mol.] Munnaamini wira Owo ti Mpenuxa? ["Amen."] Masi ankhi yahaakhanle hat'etthu wira yoopoliwe wala epenuxiwe? Moone, yaahaana okhala etthu yoopakiwa siiso.

⁴⁷ Tivo vano, Owo khonapakeke siiso, masi Owo aamuhenle mutthu mukhalelo w'otthuna vootaphuwa, "Nyuwo mwakuxa *ela* munookhala mukumi, mwakuxa *ele* munookhwa." Nto khula mutthu onoorwa molumwenkuni nlelo onikhalihiwa ni etthu emosaru. Muluku, mwa osuwela Wawe khalayi ene, aanisuwela t'ani aarowa ni t'ani ahaarowa. Muluku akhalaka . . .

⁴⁸ Mwaha ene owo kaahikohiwa nsana ni teyooloku mmosa, miyo, onoorwa vamithukumanoni wala oniiwa ifiita, khwira, "Yookoha emosa!" Owo khwira, "Vano Muluku onkhala mapuro othene? Vano," owo khwira, "Owo onniwerya okhala mapuro othene?"

⁴⁹ Miyo khwira, "Owo kahi ookhala mapuro othene mwa enamuna nnihimiy'aya nuulumo okhala mapuro othene. Khivanweryaneya Owo okhala Ookhala vano nto onakhala mapuro othene. Owo aakhanle-ene ookhala mapuro othene, mwaarowa ovekelaka Eroho Yowarya mwaha wa xeeni? Owo aakhanle-ene ookhala mapuro othene, Owo onnisareya khula ephaka, nlotho, munyatta, khula erukuruku, khula mukoropwe, itthu sothene sikina sikhlanle." Miyo khwira, "Mwaha wa xeeni Owo aamuphavenly'awe Moise, vakhala wira Owo t'okhala mapuro othene, wookiseryani? Mwaha wa xeeni Owo eettaly'awe osulu ni vathi omatta wEdeni, akhuwelaka, 'Adamu, Adamu, muri woowi?' Owo aakhanle-ene ookhala mapuro othene?"

50 Owo t'okhala mapuro othene okhala wira onnisuwela sothene. Owo onnisuwela itthu sothene okhala wira t'ohimala, okhala oohimala t'enimukhaliha ookhala mapuro othene. Okhala ookhala mapuro othene, nto, akhalaka oohimala, nto, Owo okilante Wirimu. Owo onkhala nipuro nimoso okhala wira t'Okhala.

51 Masi, akhalaka oohimala, vano Owo onnisuwela itthu sothene. Asuwelaka khula okathi epwilimwithi enaaphil'aya niitho naya. Onnisuwela khula enwi, vatthu vanrow'aya munihavoni wira niphwanye oravo aya. Owo onnisuwela khula ephera enikatela vamwirini. Owo onnisuwela khula muupuwelo ori mmuruni mwanyu, okhala wira Owo t'ohimala ni oosuwela sothene. Eyo p'oyo, Owo kahi oohimala paahi, Owo onnisuwela sothene, Owo onnisuwela itthu sothene. Masi Owo t'Okhala, Muluku t'Okhala, nto mwa yoola Ookhala khupacerya okumiherya iya.

52 Nto etampi, miyo kaahihimya ohiyu umosa wira, etampi kahi yoopattuxiwa. Khiivo hat'etthu epattuxiwe woohikhala oloka voomalela. Muluku aapattunxe itthu sothene sooreera. Etampi kahi yoopattuxiwa. Khwiiriwa, "Ahe, eyo t'upattuxiwa wene w'etampi." Nyuwo muhiwa eyo. Masi iwo ovonyaa. Etampi. . . Ori Mpattuxa mmosa paahi, owo ti Muluku. Muluku khaakhanle oopattuxaka etampi, okhala wira Owo t'oowaarya ni khiivo hat'etthu mwa Yoowo wira epake eyo. Etampi ohononiwa; kahi yoopattuxiwa, masi ohononiwa. Oraruwa ti mwirelo w'exariya ohononiwe. Wootha ti ekeekhai ehimmwe voohiloka. Khula etampi, khula etampi ti exariya ehononiwe.

53 Tivo vano, Muluku onookilaathi. Owo ohiisooniherya Mmansawe, Owo Mulukuu. Owo ohiisooniherya Mmansawe ntoko Moopoli, atthu yaahirimeela nto Owo khuwoopola. Owo ohiisooniherya Mmansawe ntoko Mpenuxa. Khivanvirikana hata vakhani etthu atthu anihimy'aya wira Owo t'okhanly'awe; ni Owo ookhala, khula enamuna, vamosaru paahi. Owo Mpenuxaa, Owo Moopolii, Owo Mulukuu, Owo t'Ohimala. Ni owo ookhalana niwoko. Nto niwoko Nawe naari, wopaceryani, opaka soopattuxiwa saarowa omphenta ni omukokhorela Yoowo.

54 Nto Owo aahipaka soopattuxiwa, vano soopattuxiwa khumora. Vano nto Muluku, mwa ohimala Wawe, khuweha vathi mwa evirelo y'okathi khumoona khula muthu aarowa woopowa. Khula muthu, Owo aamuswenly'awe mwa osu- . . . mwa osuwela khalayi ene. Tivo vakhala wira Owo, mwa osuwela khalayi ene, aahisuwela t'ani aarowa woopowa ni t'ani ahaarowa woopowa, Owo aaniwerya otthoma. Tivo, nuulumo nene khanihiyo nuulumo noonanara nuumala sothene, ti siiso? Owo aaniwerya otthoma, okhala wira Owo aanisuwela t'ani aarowa ni t'ani ahaarowa. Tivo, wira aaphwanye ale yaarowa woopowa, Owo aahaana opaka mu—mukuttho woottipiha itampi saya. Oh,

nawerya vale, nintthuna nikele mwa yeeyo, iversiikulu vakhani paahi vathi. Owo oonitthomela Ekumi Ehinimala, asuwelaka wira awo yaamurowa ohiya itthu sothene, ni hata wira yaarowa okhala ntoko yoohicaliwa vamaithoni w'ana a molumwenkuni, eyo khiyaarowa ohimya hat'etthu w'awo, okhala wira awo yaari aana a Muluku. Ni Owo oowiihana.

⁵⁵ Nto Owo khimuruma Yesu, wira Ephome Awe ekhale eliveryo, eliveryo y'Ephome, wira ettipihe, ahiiso wa—waakheliwa, wala orapiha. Enamuna y'orapiha wira voohihyererya...Kahi emaaara emosa paahi mwa muhakalaliho mmosa, masi “onkhala mahiku othene, avekelelaka,” wira muKristu okhalihiwe oothuwa othana n'uhuyo. Vo ti vari Ephome ya Yesu Kristu enruuwa wa—waakheliwa vamwiikimanyo vale, va...Ohooolo wa Muluku, ennirapiha voohihyererya, othana n'uhiyu, mwa itampi sothene. Ni hiyo nri salama oovitikeleliwa memmo. Oovitikeleliwa sayi? Ni Eroho Yowarya, muhina mw'Ephome ya Pwiya Yesu, ni salama. “Ole oniwa Masu Aka ni onimwaamini Ole okirumme, ookhalana Ekumi ehinimala ni khanrowa olamuliwa, masi ookhuma mookwhaani khuphwanya Ekumi.” Khuwaavo-tho olamuliwa! muKristu khankela moolamuliwani. Kristu aahirowa mwaha wa yoowo. Mulapeleli aka aahikhala nipuro naka. Owo oolapela mwah'aka, miyo wahaasuwel'aka. Owo ohaaleela Atithi wira miyo nkaaphwanela, wira nkaasuwela. Masi Owo ookiphenta khukuxa nipuro naka, khulapela mwah'aka, nto olelo kootaphuwa! Ayo, mulopwana. Vano Owo oomwarexa Ephome Awe, wira ovaherye iwe mwaha wa itampi sahu.

⁵⁶ Muupuwele Namararu evinre ohiyu, khaavo muKristu... muKristu onniira etampi, masi natampi khakhanle oowiiiraka etampi. Natampi khaniira etampi, okhala wira owo natampii. Owo natampii tu opacerya wene, nto ti yeeyo tu. Moone, mukuxe ottu—ottuli w'eliivuru ila, ti yooriipa, ti yooriipa mpakha vaavi? Yothene ti yooriipa. Khokhanle hata otteela mwa yeeyo, ti yooriipa. Nyuwo muniira, “Emoori *ila* va.” Nnari, kehiyo, etthu yothene ti yooriipa. Yothene eyo ti yooriipa. Ti siiso natampi okhanly'awe. Owo t'olamuliwa tu opacerya wene. Ahe, nyuwo muniira, “Ankhi owo araruwa vale? Ankhi owo amutuphela muthiyana? Ankhi owo—ankhi owo aamweettaka cuuku? Ankhi amoopela mutthu?” Owo kuhiyo hata mwah'ahu. Owo kuhiyo hata mwah'ahu, hiyo nookhalana malamulo nno wira sikhapelele eyo. Hiyo khanihiyo anamarehererya, hiyo n'alaleyi a Ehapari yooreera. Hiyo khanimmulamula mwaha w'etthu iiraly'awe, hiyo khanimmulamula mwaha w'oraruwa. Hiyo nimmulamula okhala wira natampii! Owo aari muKristu, khaarowa wira eyo. Eyo ekeekhaii. Vakhala wira oorukunxiwa, owo khonrowa wira eyo. Masi okhala wira natampii, ti yeeyo enimwiiriha owo wira yeeyo.

57 Ti vaavo eyo emmorox'aya e—elipiheryo y'atthu ootthariha ikano. Ayo, mulopwana. Munna, mukihiye kooleleni, "Kahi mwaha wa miteko, masi mwa mahala hiyo ninnoopoliwa, ni eyo mwaha wo waamini." Ayo, mulopwana. Vano, nkinaalamula axinna ootthariha ikano, awo axinn'aka. Ni awo anookhala iwe siiso ntoko khula mmosa wa yaawo onrow'aya okhala iwe, 'okhala wira Muluku ootthokiha Ekereja Awe khalayi ene wira ekhale weiwe. Masi etthu ene paahi, nyuwo—nyuwo munaakhaliha atthu ooxankexa, ahinsuwel'aya exeeni. "Olelo, ahe, khino vaakhanle wira miyo—miyo. . ." Mwaahiye esuwele paahi; awo yaavoliwakaru etala wa olumwenku, awo khakhanle iwe opacerya wene.

58 Miyo nkinikhala oororomeleya w'amwaar'aka mwaha wo wuupuwela wira yaamukimwalana. Miyo kinikhala oororomeleya w'amwaar'aka mwaha wo wira kinnaaphenta. Owo mukhalelo wa ikano hiyo onikuxak'ahu, wira ninniphentana mmosa ni mukhw'awe. Yoopacerya, ohinatthi okhala vale, waahaana okhala mphento. Miyo kinnaaphenta awo. Enamwi kikupaliki wira vaakhanle wira kaamwiira etthu yoonanara, awo yaamukilevelele, nnakhala vo miyo nkaakhanle wira mwa khula enamuna. Miyo kinnaaphenta.

59 Ti siiso ery'aya ni Kristu. Miyo ka—miyo kakhala mukumi. . . Miyo kirina miloko mithanu, kakhala-ru mukumi khuphiya miloko mithanu na mixexe wala emiya, khukhalana-tho iyaakha sikina miloko mithanu wira kilalaye; ni miyo nkinlaleyaka emaara emosa, kinoorowa khukilaathi omurathhini, miyo kihoopowa mwa khula enamuna. Muluku okooponle ni mahala Awe, kihiphwanelaka hat'etthu kaakhanly'aka ootoko wira, kiiraly'aka, wala etthu p'itthu ekinna. Miyo kinlaleyaka okhala wira kinnimphenta Owo ni kinnaaphenta atthu Awe. Nto mwaha wa yeeyo kinsuwel'aka wira koovira mookhwani khuphwanya Ekumi, okhala wira miyo kinnaaphenta ni kinnaarowela. Voohicala mukhalelo xeni awo ary'aya, miyo kinnaarowela mwa khula enamuna. Kinoorowa waakuxa khula enamuna, kinnaapurula khula enamuna. Vakhala wira arumeyi anoovaanyiha ni akina anoovaanyiha, ni miromolelo sinoovaanyiha, eyo khenikeemexa. Yookhala etthu! Khiyaamweemenxe Owo! Owo aarwiixe eriyari ene y'alipa-oohaamini, nave eyo khiyaamweemenxe, Owo ahikelela ohoolo mwa khula enamuna. Ti yeeyo hiyo eniir'ahu, nnookhuma ni waakuxa, waavara khula enamuna. Voohicala, mwaaphwanye, mwaavare, nvilele n'ikuru sanyu sothene. Nyuwo khamunsuwela t'ani awo. Nwoopole. Eyo mwaha wa mphento. Kahi mwaha wo wira "Kihaana o," masi okhala wira kinniphenta, okhala wira munniphenta.

60 Eniiriwa, "Miyo kaahaana orowa wira kalokiherye eyo ni muthiyan'ole, masi, kinimoolelani naanaano va, kinoona wira 'okhala wira kinrowa okereja kaahaana

orowa wira kalokiherye.” Nnari, ti nyuwo vanththuneya orowa khwiilokiherya, toko. Munnona? Munnona? Nyuwo mwaahikhalane mphento wa Muluku mmurimani mwanyu, etthu ekina ennoosuwelihani wira moovonya, vano murowe—vano murowe mwalokiherye ni Muluku. Vano munoolokiherya ni mukhw’inyu.

⁶¹ Yesu ohiixuttiha etthu emosaru. Owo ohimnye wira, “Mwarwa w’altaari, nto khukhala. . . muupuwela wira nookhala nthowa nyuwo ni mukhw’inyu wala munn’inyu, murowe mwalokiherye ni yoowo, toko.”

⁶² Vano, vano mwa okathi orina orwa. Hiyo naahikhalana Namararu ohiyu, “wooniheriwa.” Nnimoona-tho voosiis’ula, mwa “wooniheriwa w’ana a Muluku.” Mwa nuulumo nikina, Muluku onoolipelela. Vano nto okathi wa woomalelani okathi hiyo othene onrow’ahu okhala ohoolo Wawe. Malaikha khayaarimenle. Awo khanrowa osuwela moota w’opuha iparakha ntoko hiyo, awo khanatoko orimeela. Masi miyo kinnisuwela vakhummy’aka-vo, kinnisuwela mwala xeeni othikiliw’aka-vo, natampi. Nyuwo munnisuwela nipuro muthukiliw’anyu-vo. Vano okathi oniphwanyiw’ahu, nto ninooowerya okhala ohoolo wa Muluku. Oh, nihiku xeeni nlo ninrow’aya okhala!

⁶³ Vano okhalihiwa aana, okhalihiwa voopuroni. Vano, Muluku oniira ela vamutekoni. Nto vano kawerya vale owiiwihani yeela saana, nto ninooowerya naanaano va eversiiikulu 5, kintthuna kisome Yeeyo.

*Oonitthoma okhuma khalayi wira nikhale aana mwa
Yesu Kristu mwa yoowo, ntoko Yoowo Mwaneene
suupuwenlyawe n’utthuna wawe,*

⁶⁴ Ti yoomusivela Muluku wira otthuna Wawe, aakhalihaka aana, aakhalihaka voopuroni. Vano Owo oniira exeeni? Onkhaliha Ekereja Awe voopuroni. Yoopacerya, Owo ohiihana ekereja Awe, Metotista, Prespiteriyaano, Luteraano, Patista, owiihanaka. Vano exeeni Owo iiraly’awe? Oruminhe Eroho Yowarya nto khwaavaha opatiiso w’Eroho Yowarya.

⁶⁵ Kintthuna wira nyuwo atthu aPentekosite mukelihe ela mmurimani mwanyu. Pentekosite kuhiyo muromolelo; pentekosite musuwelelo. Ti Eroho Yowarya. Kuhiyo mutthenkeso. Khimwaakhanle ootthokihaka Eroho Yowarya. Eyo khenrowa weemererya. Vano nyuwo murina mutthenkeso muniihan’anyu siiso, masi Eroho Yowarya enookhuma ni woohiyani okilaathi vaavale vene mury’anyu, ni enatthikela erowaka. Munnona? Pentekosite kuhiyo mutthenkeso; pentekosite musuwelelo.

⁶⁶ Vano nto Muluku ohaavaha an’Awe Oyariwa vasya, mwa opatiiso w’Eroho Yowarya. Awo ahaattamela Yeeyo okathi yiireerinh’aya mmansaya, mwa aNasareeno, Anawetta a Osantu.

Vano khukela muhina mwa musuwelelo wa pentekosite, wala opatiiso w'Eroho Yowarya, wuuluuliwa wa soovaha. Awo arookhuma elavulaka ilavulelo ni otaphulela ilavulelo, ni aavahiwa soovaha s'ovoniha ni miiriirya, ni ithoonyeryo ni mitikiniho khupacerya waahoola. Vano awo aanaa, awo aana a Muluku. Awo ari voopuroni mwa Kristu. Awo ankhala aana mwa Oyariwa. Nto Oyariwa vasya ni orukunxa murima Wene ti Eroho Yowarya.

⁶⁷ Nyuwo hata khamurukunxale murima mpakha mwaakhele Eroho Yowarya. Ti yeeyo Yoolempwa ehimaly'aya. Yesu aahimuhimeerya Petru, mmukohe khula mutthu, musome Yoolempwa anyu, owo aahikhalihiwa naxariya mwaha w'omwaamini Pwiya Yesu, khukhala mulipa-ootthara, murummwa. Yesu khunvaha mihulelo sa Moomweneni. Vano Yohani 17:17, Owo aahareeriha, khwaavaha owerya, khwaaruma, khiwomola axetwani ni itthu, khwaareeriha. "Mwaareerihe, Tithi, mwa Ekeekhai Anyu. Masu Anyu Ekeekhai. Miyo kinniireeriha Mmansaka mwaha w'awo."

⁶⁸ Nlo ti nimoso mwa moolumo oosivelexa kitonko aka wiiwa. "Tithi, Miyo kinniireeriha Mmansaka mwaha w'awo." Nyuwo moosuwela wira Owo aahikhalana ehaakhi y'okhalana etthoko? Owo aari mutthu. Nyuwo moosuwela mwaha wa xeeni Owo aarin'awe ehaakhi y'okhalana mwaara? Owo aari Mutthu. Owo aahikhalana ehaakhi ya itthu iya sothene, masi Owo khwira, "Tithi, Miyo kinniireeriha Mmansaka mwaha w'awo. Miyo kinniireeriha Mmansaka."

⁶⁹ Kaahilavula ni mulaleyi mmosa mukhaani nsana, kinoorowa omulaleerya ohiyu kamosa-kamosa osulu nno ephiro yuulupale. Vano miyo khimukoha etthu emosa, owo khwira, "Ayo, Munna Branham, masi atthu aka anci-ene khanaamini yeeyo."

Miyo khwira, "Anci-ene a yaawo ootthariha ikano?"

⁷⁰ "Ayo." Munna khonaamini iyo. "Masi," owo khwira, "mwaha w'awo!" Oh, miyo kaatthuna opatikha exiko awe. "Mwaha w'awo, moone, miyo kinniireeriha mmansaka mwaha w'awo."

⁷¹ Oh, Yesu aaxuttiha axilopwana muloko n'anli, wira mwa axilopwana yaawo muloko n'anli aarowa oroiha Ehapari yooreera mulaponi. Vano Owo khwira, "Mwaha w'awo Miyo kinniireeriha Mmansaka." Mwiikhalihe oratteene mwaha wa mukhw'inyu, mwaha wa mutthu mukina. "Muhirumeeleke otaphuwa wanyu ntoko ntthyawelo," ohimmye ti Paulo, "masi mwiireeriheke!" Mwiiseettiheke mwa anamaitthoko, ntoko vaatthuney'aya muKristu eekeekhai wira. Ovaanela wanyu okhaleke, mwakumana ni nwanan'inyu, mwiireeriheke mwaha wa yoowo, muhisuwelaka etthu mukhanly'anyu wiiraka.

⁷² Vano omukhaliha mwaana. Etthu yoopacerya vaamal'awe mwaana okhala mpaani, owo aakhala mwaana, masi nto hiyo

ninnoona wira meettelo awe ti yaamuphiiherya okhalihiwa mwaana, sinto aaniiseettiha saana wala nnari.

⁷³ Nto ti mu—mupentekosite. . . Vano mukihye kiwooniheni paahi wira Pentekosite kuhiyo muromolelo. aPatista akavi ari mu yaari aPatista, yaakhenle Eroho Yowarya, nrowe noone matat'anyu. Munnona? aMetotista akavi ari mu yaakhenle Eroho Yowarya, nvenxe matat'anyu. aNasareeno akavi mu yaakhenle Eroho Yowarya, nvenxe matat'anyu. maPrespiteriyaano, yaakhenle Eroho Yowarya? Munnona? aLuteraano? Miromolelo sikina, yahiira mpannta wa Pentekosite nnakhala, yaira mpannta wa muromolelo paahi, yaakhenle Eroho Yowarya, nrowe noone ntata nanyu. Munnona? Tivo nto Pentekosite kuhiyo muromolelo, owo musuwelelo.

⁷⁴ Vano, Muluku ohookelihani mw'Erutthuni ya Kristu. Vano Owo oniira exeenii? Nuumala wiisooniherya mmansinyu, wiireeraha mmansinyu ni mweettelo anyu wooreera, oowiiwelela Eroho Yowarya, voohicala etthu olumwenku onihim'yaya.

⁷⁵ Miyo—miyo kinrowa ottikitthela ela saaneene, moone, okhala wira. . . kahi kintthuna okhala oonanara murima. Miyo—miyo. . . xontte muhi—muhi—vekeekhai muhi, moone. Vekeekhai muhuupuwele wira ka—ka ootakhala murima. Miyo—miyo nkinthuna okhala. Etthu enikixankiha, waakuxaka atthu ni waalaleerya Ekeekhai ila eveleelihiwe ni Muluku, vano awo anoorukunuwa nto antthikela paahi wira etthu emosaru, n'uhimya wira aakhalana Eroho Yowarya. Eyo ennihalela wootholoxa, moone. Mulattu aya xeenii? Awo anootthikela erowelaka etthu emosaru yeeyo, vekeekhai ntoko aana a Isarayeli, awo yaamutthuna mwene wira mwen'ola aarumeke awo ni owiiraha weetta ntoko ale a Amori ni a Amaleki ni aFilisti.

⁷⁶ Nyuwo moosuwela, athiyana, wira ti yoonanara owara ikalsa? Moosuwela yeeyo? Moosuwela wira ti yoonanara omettha mikopwe sa ikharari sanyu? Moosuwela wira ti yoonanara, mwenye, otthikela mmulyaka soona ni wira ntoko siniir'anyu? Moosuwela wira ti yoonanara nyuwo ohikhala iya a ethhoko anyu, amwaar'inyu okhalana eviruwelo vakhani ni wookakhelani ota wa mukhora vano nyuwo ni wira, "Ayo, mreerihwe murim'anyu, oophentiwa, miyo kinoookolowa?" Moosuwela wira nyuwo. . . Munwerya sayi okhala mukhapeleli Mpaani mwa Muluku muhiweryaka hata weettiherya ethhoko anyu yeenyu? Eyo ekeekhai tu. Moosuwela, munna muthiyana, wira iy'anyu kahi iy'anyu paahi, masi ti mahooel'anyu? Muluku ohimye siiso. Okhala wira iya khoothiwe, muthiyana t'otothiwe. Ni nyuwo alaleyi munootthikela mwaakhalihaka athiyana mapastore ni alaleyi mukereja mwanyu, musuwelaka wira Masu a Muluku annipwapwela yeeyo.

77 Munootthikela murumeelaka nsina nlo “Tithi, Mwaana ni Eroho Yowarya” wira mpatise, nihikhanle hata nipuro nimosa na Yoolempwa wa yeeyo mBibiliani. Miyo kimmuthuna pixipu muulupale wala mutthu mukina akoonihe nipuro mutthu ti mutthu mBibiliani otonko opatisiwa ni nsina na “Tithi, Mwaana, Eroho Yowarya.” Kimmuthuna mutthu wira akoonihe mutthu ti mutthu otonko opatisiwa enamuna ekina woohiya Nsina na Yesu. Masi Yohani khaari. . . aahipatisa, awo yaopatisiwe yaaminiki wira Owo aamoorwa, masi khiyaamusuwela Owo aari pani. Masi naanaanoru vasuwenly’aya yeeyo, yaahaana orwa opatisiwa-tho ni Nsina na Yesu Kristu. Miyo kintthuna mutthu a. . . Miyo—miyo kinnaakohaka Asempeleya de Deus, alaleyi akina, aPatista, maPrespiteriyaano, ni itthu sothene. Awo khani, awo khandthuna olavula mwah’owo. Miyo kintthuna koone Yoolempwa.

78 Vano nto miyo ka “namathipelela,” huh, nto miyo ka “mulolo,” wookihiya muupuwelo aka, ka “namukhwanepa,” okhala wira kineeserya wooleelani Ekeekhai? Vano, eyo ti—eyo ti v’exariya, axinn’aka. Mutthu akhala oothumiheriwa Muluku, nyuwo mwaitumiharu ewalelo, mireerelo, ni epariri. Nyuwo—nyuwo—nyuwo—nyuwo mu—nyuwo moovaluliwa, nyuwo mwa—nyuwo mwa yoopattuxiwa yoovirikana.

79 Oowiihaniwa ari anci-ene, oothanliwa ari vakhani. Ayo, atthu anci-ene anniihaniwa, nyuwo munaakhela wiihaniwa mmurimani mwanyu, “Ayo, kinnaamini wira Muluku onnikiphenta. Kinnaamini wira Owo onnikiphenta.”

80 Masi, munna, eyo, munoorowa orimeela saana ntoko akina wa yaawo, okhala wira awo animoorwa iwe nihiku nlo, hata yiiraka, “Pwiya, miyo kaahiwoomola axetwani mwa Nsina Nanyu. Kihira itthu sothene sikina mwa Nsina Nanyu. Kaahikhalana miteko s’ovoniha. Kaahilaleya Ehapari yooreera. Kaahiwoomola axetwani.”

81 Nto Yesu onimwiira, “Mukhume va, Miyo hata nkinoosuwelani, namirima miili. T’ule oniira sintthun’aya Atithi Aka!” Xeeni atthu ohiweryaka wona? Vano, koosuwela wira eyo enniwaka. Nto miyo nki—nkinthuna osikuliha, nkinthuna wira ekhale siiso. Masi, munna, miyo—miyo. . .

82 Wa miyo enikhala ntoko hiyo nri—hiyo nri okathi wa woomaleloni, nto Muluku onaakhaliha aana, aakhalihaka voopuroni muKereja, mw’Erutthuni ya Kristu, Yawawe. Vano, khanrowa okhala anci-enexa Owo aahenly’awe mme, kinrowa wooleelani yeeyo opacerya wene. Nyuwo muniira, “Oh, ahe, ninrowa okhala nummaru nuulupale!” Masi Owo aahikhalana iyaakha ikonto thanu na mosa wira aakumihe, nave. Muupuwele, ohihimuwa onimoorwa nto ninkuxiwa ni yaawo. Vakhani paahi a yaawo, moone. Mphavele woopoliwa wanyu, voowaakuva. Mwiwehawehe mmansinyu moone exeeni ehineetta saana.

Munnona? Moone vekeekhai—vekeekhai mulattu ene xeeni. Miyo koosuwela wira eyo—eyo ti yoolipa, masi munna, ti Ekeekhai. Eyo ti Ekeekhai ya Muluku. Okhalihwiwa aana!

⁸³ Hiyo naahaana okhala oovihiwa mwaha wa Muluku, hiyo naahaana nikelelaka ohoolo othana n’uhiyu. Kiihivo hat’etthu yaathuneya oneemexa, ni naahaana okhala oosivela ni ootthuneya, ni ooreera murima ni okhala ntoko Kristu mwa makhalelo ahu. Antthuneya makhalelo a khula nihiku. Yesu ohimnye wira, “Nkawehani ekhokowa ya mmatta, moota eninnuw’aya, envar’aya muteko ni oritha; masi Miyo kinooolelani wira Salomoni mwa eyuulupale awe yothene khanaware ntoko emosa wa seiyo.” Salomoni aarina ikuwo saaratteliwe ni eseeta ya nttittimiho ni sooxoriwa ni itthu, masi eyo—eyo khiyaa...eyo kahi ile Owo aahimya’awe. Wira ekhokowa yinnuwe, ehaana ovara muteko othana n’uhiyu. Mwaha wa xeeni muntthunel’anyu orwa va nto wookiseryani munamalela ni vakhani? Vakhala wira naxariya onoopowa voorika, natampi onrowa (owo ti mulipa-oohaamini) ni ootakhala, mutthu oniiwa Masu nave onakhootta weettela Yaawo? Vano hiyo ninrowa wira exeeni? Munnona? Vano eyo. . .

⁸⁴ Ela ti, vano, ela ekerej’ahu. Nookhalana khino aletto axexe wala athanu eriyari ahu. Masi ela ekerejaa, kinoowiixuttihani. Ela enrowa mufiitani. Kintthuna wira atthu aniiwa ifiita, yuupuwele, ela ekerej’aka. Ota wu eriyari y’atthu, kineeserya okhala ooratta voophiyerya wira kaahimeerye yeeyo, wira mano kikhale vanwery’aka oweepesa ni ankhili aya akhaani a eleethi yookhamuliwa. Masi vaaphiyeryaka wooniherya Ekeekhai veekhweli, nrowe nooniherye Yeeyo.

⁸⁵ Okhalihwiwa aana, okhalihwiwa voopuroni! Awo ari vayi? Mukoonihe vatthu vary’aya. Muluku oniwiihana an’Awe aavalulaka mwa wooniheriwa. Khivanthuneya awo ohimya nuulumo nimosa wa yeeyo, nyuwo munimooni wira yookhala yiiraneiyee. Ommukhalihwa mwan’Awe voopuroni, omukhalihaka oratteene vekeekhai ntoko itthu imosaru. Owo—owo ookhalana oruma omosaru, nuulumo nawe ti nooloka ntoko Nlaikha nuulupale, vooreera. Mwaana aamukhalihwiwa, khukhalihwiwa nipuro noottukhuwa, aakhalihiwa vale, khwakakhanya ikuwo, khurukunxiwa makhuli awe. Tiithi aakhalaani niira, khwira, “Ola mwan’aka, okhuma olelo mpakha ohoolo owo kuvernatooro. Owo namaruma. Owo t’onkhapelela exovo aka yothene. Sothene sirin’aka ti sawawe yoowo.” Ti yeeyo. Vano hiyo naamuwerya otthikela wa yeeyo, Elah, Elah, Elohim, Elohim, moone, vaavo Owo aary’awe ole okhanle mmansawe. Vano nto khuhokolowa aviraka mwa Yehova Yoowo opanke etthu, Owo aahinvaha mutthu weettiherya elapo ya vathi. Hiyo ninlipelelani? Wooniheriwa. Elapo ya vathi enimwiipulela. Nrowe nirowele yeeyo nisome. Vaareera.

*oonitthoma okhuma khalayi...wira nikhale
aana mwa...yoowo, ntoko Yoowo suupuwenlyawe
n'utthuna wawe,*

*Wira nika-...wira nikhale oottotopela ovuwa wawe
wa mahala awe,...*

86 Mahala Awe exeenii? Khalayi wu, okathi Owo ahakhanly'awe Tithi; Mahala Awe, mphento Awe, khwiipakela mwaana Mmansawe, wira hiyo nitthomeliwe okhala aana, wira nittotopela ovuwa wa mahala Awe. Munnona?

*...mwa yaawo onikhalinh'awe ookupaliwa mwa e—e
(Mutthu) oophentiwa, okhanle Kristu.*

87 Onikhalinhe sayi ookupaliwa? Mwa Yoowo. Hiyo ninkela sayi mwa Yoowo? Mwa Eroho emosaru, othene noopatisiwa mwa Yoowo. Nwiriyaane.

*Mwa yoowo nookhalana woopowa, nookhalana
woopowa mwaha (w'e) w'ephome awe, oleveleliwa wa
i-t-a-m-p-i...*

88 Munwerya sayi olaleya otthommwa, wa otthokiha wa Muluku khalayi ene ni okhaliha, ohikhanle oliveriwa wa etampi nipuro nlo? Mwaha wa xeeni? Khula nihiku munoovonya, khula nihiku muniira yoonanara. Masi mwayariwa—ru vasya, mulopwana wala muthiyana, mmalaka—ru wira etthu yoonanara, Muluku onnisuwela wira muhiiniwa murima mwaha wa yeeyo. Mwaamukhala ohoolo wa—wa Mukhulupale Roosevelt wala mutthu mukina, ni wira, “Koovonya, Muluku mukilevelele mwaha w'etthu ila.” Mwaha wa xeeni? Nto ti vaavo oliverya w'Ephome...

89 Nyuwo mooweha wira “i-t-a-m-p-i.” Natampi natampii, owo khoniira etampi. Masi ekereja enniira itampi, ennivonya, ennikhhalana muupuwelo woovonyeya, moonelo woovonyeya, enniiniwa murima, enniveveleya ntoko mwanamwane mwaamukhaani eettaka, onthuna wiixutta mooto wo weetta. Owo khonsuwela mooto wo weetta oratteene nlelo, 'okhala wira mwammiravo mwaamukhaani. Masi hiyo nookhalana Ntata ninookowa mpakha vathi hiyo na...ninnikuxa n'unikhaliherya, ni wira, “Mookole nivalo nla epante *ela* nno, mwan'aka.” Owo khonnivenxa n'unimana mwaha wo wira niroovonya, Owo khonnimana mpakha okhwa mwaha wo wira nineeserya weetta. Owo onniniphenta ntoko hiyo sinaaphent'ahu an'ihu.

90 Tiithi eekeekhai, eekeekhai khaarowa omweepettha mwan'awe owo eeseryaka weetta, vakhala wira onoomorela vathi. Owo onookolela ntata nuulupale na ikuru khunvenxa, matata oomaili anoomuvarela, ni wira, “Ela t'inamuna eniiriw'aya, mwan'aka. Mweetteke *sa*.”

91 Ti siiso Muluku oniirih'awe Ekereja Awe! Onookola ntata khumukuxa mmoononi mw'Awe, khunvenxa ni wira,

“Mweetteke *sa*, mwan’aka. Moone, muhi—muhi—muhihimeyeke siiso, mulavuleke *Sa*. Vano, khenikicala exeeni ekereja enihimy’aya, exeeni *ela* enihimy’aya, exeeni *ele* enihimy’aya, nyuwo muhimeyeke *Sa*. *Sa*, ela ti Yeeyo! Masu Aka yalaleerya Yeeyo, nyuwo mukhaleke ni Yeeyo tu, mweetteke ni Yeeyo. Mukhale ni Yeeyo tu. Muhicaliki etthu atthu othene enihimy’aya, mukhale ni Yeeyo tu. Mweetteke *Sa*. Ela t’inamuna muneett’anyu mavalu anyu.”

⁹² Itampi sahu; mphento w’oliverya itampi sahu, ahiiso khanaakhalakhala nikhalanaka oreeriwa. Moota naakhanly’ahu oolipaka mwa Masu awo!

. . . ottharihaka ovuwa wawe wuulupale wa mahala awe;

Yaawo owo—owo onivahaly’awe voowaatta . . .

⁹³ Exeeni “waatta”? Oh, wulu! Yaawo Owo onivahaly’awe voowaatta, “makuttha maalupale a yeeyo.”

. . . owo onivahaly’awe voowaatta n’ankhili ni miruku sothene;

⁹⁴ “Miruku, ankhili othene Owo onivahaly’awe voowaatta.” Ni “ankhili,” othene kahi a molumwenkuni. Ankhili a molumwenuni ololo vamaithoni Vawe, ni ankhili a Muluku ololo vamaithoni v’olumwenku. Siiso ntoko othana n’uhyiyu, emosa khenwerya wiiwanana n’ekhw’aya. Masi nsuwa napanacerya ophattuwa khuphiya nihiku n’othana, ohiyu onoomwareya nipuro pi nipuro. Nto Waarya wa Ehapari yooreera wapacerya okela, itthu sothene sa molumwenkuni sinoopacerya olakaseya. Nto eyo eniira exeenii? Owo onaattiha warya wa Nsuwa v’ana Awe, yeettaka mwa Eroho, aneettihiwa ni Eroho ya Muluku, yaattaka mwa mahala Awe, ni miruku sothene ni ankhili, osuwela, ni okhoomala wira esuweleke moota wo weetta. Moona wira ti yoovonyeya, vano mwiikasoope etthu eniir’anyu, moota nyuwo. . . Yaary’ene yoovonyeya, mwiikasoope hata moota wo waattama. A miruku! Mukasoope saana, mukupali saana wira moosuwela moota wo waattama. Owiiipasoope ntoko enowa, oomaala ntoko epompa. Ti yeeyo Yesu ohimaly’awe.

⁹⁵ Oh, iya itathela, apatthani! Naamuwerya okhala mwa yeeyo paahi nihiku ti nihiku. Khasihiyo sooreerexa? Miruku, ankhili, Owo oonivaha voowaatta, oomwarexa! Kahi onivaha ekhwiyeri emosa, masi okunxe efoxolo yuulupale khukhala orihelelaka siiso. Oonivaha voowaatta, ankhili ni miruku sa mahala Awe! Oh, mahala ooreerexa, moota nry’aya nsu noosivela!

Vano, yaawo onivahaly’awe voowaatta n’ankhili othene. . . miruku;

Oonisuweliha mwiiriirya w’otthuna wawe, . . .

⁹⁶ T’ani Owo onlavulan’awe? Miromolelo? Xontte, axinn’aka, muhuupuwele wira kinkuruxa muromolelo anyu, nkiniira.

Kineserya wooleelani wira yaari etthu yoovonyeya opacerya wene. Yesu ohimnye wira, “Murowe mwalaleye Ehapari yooreera,” hiyo niroorowa khupaka miromolelo. Mwaha wa yeeyo nihikhalanenly’ahu Yeeyo, nineetta nittharaka ankhili a mutthu. Kalvino aawerya ovenya!

⁹⁷ Vano, kaahikhala woohikhala khalayi vakhapurini va mulopwana mmosa muulupale, namarehererya muulupale. Nto kaahuupuwela, mutthu xeeni muulupal’ole aary’awe! Owo aary’awe! Ahe, eyo. . . Miyo nki. . . Aari John Wesley. Nto miyo kuupuwela, vaakhanle wira John Wesley aaniwerya ohihimuwa vakhapurini va olelo ni woona mukhalelo wa ekerej’awe, owo aamuuleliwa muru nsina nawe. John Wesley aari mutthu ooreera murima, niwuni na mooro nookuxiwa, ntoko siihanak’awe. John Wesley aari mutthu ooreera murima aamwaamini Muluku, ni eetta nivalo nnivalo ni Yoowo. Masi vakhwiy’awe John, atthu khwira, “Hiyo nnoopaka ekereja ya John wira nikhhalane ekereja, ni ninrowa wiihana ekereja Metotista mwaha w’enamun’awe yo wiireerihha okhanle muteko wa neili wa mahala.”

⁹⁸ Vano awo khupaka ekereja, nto olelo atthu awo a mukereja anikhootta itthu sothene John Wesley eemereny’awe. John Wesley aanilaleerya ovonihha wa Muluku. John Wesley aanaamini opatiiso wa Eroho. John Wesley aanaamini wuuluuliwa wothene wa soovaha. John Wesley, Martinho Lutero, anci-ene w’alopwan’awo aalupale yaanilavula ilavulelo n’utaphulela. Nto, olelo, mwalavula-ru ilavulelo mukereja Metotista wala mukereja Luteraano, awo yaamuwoomolani. Mulattu aya xeenii? Okathi ene yoowo waatthuneya hiyo okhala aana ookhalihiwa vooপুরoni, mulattu aya xeenii? Awo apanke etthu ekina, okhala wira khansuwela mwiiriirya wa Muluku. Ni awo khankhalakhala esuwelaka Owo muhina w’eseminaariyu!

⁹⁹ Mukihiye koosomeleni etthu emosa paahi. Enookhala yooreera? Vaareera. Nrowe nikhunle, kookhalana etthu eilempwe va. Nrowe niphwanye moota Paulo. . . Vano, va, t’ori muxuttiha a Mutthak’ola. Nrowe mwa Miteko 9:5, minuutu mmosa paahi. Nwiriyaane moota Paulo aaphwanny’awe Muupulul’ola, etthu p’itthu yaakhumelenle. Vano, mwa Miteko 9 nimpacerya osoma, so. Nla nisomi na exikola ya Ttiminku, vano nookhala—nookhala oohisomaka? Mukihiye kisuwele kakhala ota wa. . . ? . . .

Nto Saulo, nlelo amumulaka owoopopiha. . . (Oh, muYuta ole mwaamukhaani, a ephula yookhoropana, ooviruwa saana!) . . . owiiva awiixutti a Apwiya, aahirowa wa mukhulupale a anamukuttho,

Nto khunvekela ipaphelo s’orowa oTamasiku sa mpaani moothukumana, wira aaphwanyane vale amosa-amosa. . .

100 “Miyo kinrowa owaavya! Kawerya-ru paahi waaphwanya, mmiravo, etthu enrow’aka owiiriha! Moone, kawerya-ru waaphwanya paahi!” Masi owo aahitthommwa!

101 Munsuwela sayi wira namapaka eviinyu uwo wiiphiini va khatthomeliwe Ekumi? Munsuwela sayi wira namuttompe owo muhinthun’anyu hata olavulana, munsuwela sayi wira onvaha ntata iwo vakhani khimulattula orwa okereja khiyaarowa omukhalihā ooreera murima a Muluku, Moovuwani wu? Okathi . . . Munsuwela sayi wira owo kahiyo? Ti yeeyo hiyo ehinsuwel’ahu. Masi ti muteko ahu. Ntoko mutothi a ihopa aarihenle ntthavi mphareya khupurulela ota, owo aaruuhale anaphulu, ihopa, anaakwiitti, aranttaasi a mmaasini, ni itthu sothene sikina, masi kamosa-kamosa wa seiyo saari ihopa. Owo khaasuwela, owo aarihenle ntthavi paahi. Ti yeeyo hiyo eniir’ahu. Nkanweheni Paulo.

. . . avekelaka *ipaphelo s’orowa oTamasiku sa mpaani moothukumana, wira aaphwanya vale kamosa-kamosa mphironi mu, ekhale alopwana wala athiyana, aarowa waatthuka aarowane oYerusalemu.* (Munna, owo aari oowuuma murima vekeekhai!)

Nto arowaka mukwah’awe, ahalaka ophiya oTamasiku: nto naanaanoru aahirukureriwa muthuko . . .

102 Vale aarwa namukuttho mmosa mphironi, Totori F. F. Jones, khumuhimeerya, “Ontthuneya mu—musuwelelo w’osemianaariyu vano, mwan’aka, ni kookupali wira Muluku aamuwerya woorumeelani?” Eyo khiyaarowa okhala Yoolempwa yowooneya onanara, osoma siiso? Vano, eyo yookhalana maana saana . . . Miyo nkinihimya eyo ntoko eperwa. Eyo ti, hiyo, eyo yookhalana maana saana ntoko ele eniiw’ahu mahiku oolelo. “Moosuwela, ame anyu yaari muthiyana ooloka, kookupali wira mwaamukhala mulaleyi ooloka.” Nkawehani etthu yaakhumelenle.

Nto a—nto arowaka mukwah’awe, ahalaka ophiya oTamasiku: nto naanaanoru aahirukureriwa ni, muthuko . . . (wish, empacerya voovikana soopattuxiwa) . . . *muthuko w’akhuma osulu:*

Vano owo aahimorela vathi, nto aahiwa nsu naahimya wira . . . Saulo, Saulo, munikilupatthelani?

Nave owo aahikoha wira, ti Pani nyuwo, Pwiya? Nave Apwiya yahimuhimeerya owo wira, Miyo ka Yesu yoowo nyuwo munimulupath’anyu: vano ti yoolipa wa nyuwo ohiwelela ele enoovahani ikuru.

Vano owo athukumelaka n’ututhuwa aahihimya wira, Pwiya, muntthuna wira miyo . . . kiire exeeni? Nave Apwiya yahimuhimeerya wira, Nvenye, mukele

mmuttettheni, nto weiwo munoohimeeriwa etthu mukhanlyanyu wira.

¹⁰³ Vano atthu yaaheetta mukwaha ni yoowo, khukelela ohoolo, vano khumphwanya mulopwana mmosa. Ananiya, ohitto iwe, oonale yoowoona. Sothene voovikana soopattuxiwa! Vano Saulo, mmirav'owo oowuuma murima! Ananiya ola aahoono yoowoona, oonale owannyawe. Owo aari profetaa, owannyawe avekelaka, nto owo aahoono yoowoona. Owo... Apwiya yaahilavula n'uwo khwira, "Ookhala mulopwana onrwa akhuruwelaka ephiro iwo, oohoona ntoko nantuuthu, nto nsina nawe ti Saulo, owo ti Saulo a oTarsu."

¹⁰⁴ Owo khwira, "Pwiya, miyo kihiiwa itthu suulupale. Muhikirume, miyo ka mutthu mwaamukhaani. Muhikirume omurowela."

¹⁰⁵ Awo khwira, "Masi, moone, arwaaka mphironi, Miyo koomooniha yoowoona. Miyo koomukhumelela mwa Nlumi na Mooro. Miyo koomukhaliha oohoona vanwery'awe okhala. Ni kaahaana omukhaliha oohoona khimukhera kapatti-kapatti kihinatthi opaka etthu ya yoowo. Moone, Miyo kaahaana omukhera teologiya awe othene. Moosuwela, owo aari—owo aari—owo aari mutthu muulupale mwa ikereja iye kamosa-kamosa osulu iwe. Owo aahikhalana mithinto sothene sa ikharawu, owo khaarina y'owiirattiha mwa hat'etthu, masi," Awo khwira, "etthu Miyo kaarin'aka wira waari okumiha sothene mwa yoowo."

¹⁰⁶ Eyo ti yaari etthu ene. Khiwaari okeliha-tho mwa yoowo, masi okumiha mwa yoowo. Miyo kinoona wira owo ti mulattu n'anamukuttho ahu anci-ene olelo; okumiha mwa nyuwo, vaavo Muluku okhanly'awe oohelaka mwa yaawo Eroho Yowarya. Mukumihe! Iwe, owo iirale owo...

¹⁰⁷ Nto owo khwira, "Pwiya, masi ola—ola—mulopwan'ola mulopwana owoopiha."

¹⁰⁸ Awo khwira, "Masi, moone, owo onnivekela. Vano, nyuwo munoorowa ephiro khata ni munoophiya v'ephattuweloni. Nvire ephattuwelo yeeyo moonoo woothiyana, mukhuruwele. Enookhala empa yootteela, nwele mwamane mukhoro. Owo omphwanyaneya weiwo musaala, ti vaavo awo yaawenry'aya omuroiha. Mmwiixaathere matat'anyu, mmukuxe mmurowanaka omuro w'oTamasiku mwampatise ni Nsina na Yesu. Okhala wira, Miyo kinimooleelani enrow'aka wira, owo onrowa okhala oohaawa itthu sinci-ene mwaha wa Miyo, okhala wira owo namitthaka Aka wa Amalapo." Amen!

¹⁰⁹ "Ahe, vano, nwehererye minuutu mmosa, Pwiya! Vano, exikola xeeni vantthuneya miyo omulopola?" Miyo kinimooleelani enrow'ahu wira, nrowe nisome aKalasiya nto nisuwele. Enttharelana paahi—ekapiitulu enttharelana ottuli. Nrowe naaphwanye aKalasiya 1, nipacerye eversiiikulu 10, ni

nisuwele exikola xeeni Paulo aaronw'awe, eseminaariyu xeeni, ni matata a pani iixaatheriw'awe owo, ni, oh, sothene siiraneiyi. aKalasiya ekapiitulu 1. Wira nuurele okathi, nrowe nipacerye v'orukunxa wawe murima, eversiikulu 10.

Okhaka wira vano kinaakupaliha atthu, wala Muluku? wala kimpavela waasiveliha atthu? maana kaaphavenle nlelo waasiveliha atthu, nkaarowa okhala murumeyi a Kristu.

110 Oh, wulu, wulu, wulu! Kintthuna kihimye etthu yaamukhaani paahi ehinatthi ila va. aKalasiya 1, murowele ekapiitulu 8. Akavi ansuwela wira Paulo ti yoowo aawiirinhe atthu ale opatisiwa-tho ni Nsina na Yesu, Miteko 19? Vekeekhai aahiwiiriha. Nrowe nikuxe osulu nno vakhani, 8—everssiikulu 8.

..hata nikhhalaka hiyo, wala nlaikha ninkhuma wirimu, onoolaleeryani ehapari ekina ohiya ele yoolaleny'ahuni, atakhaliwe.

111 Mwaakhenle vayi Ehapari yooreera ela, Paulo? Eversiikulu 9.

...sihimaly'ahu, kinootthikela ohimya vano, Akhala mutthu onrowa woolaleeryani ehapari yooreera envirikana n'ile nyuwo mwiiwaly'anyu, mwaakhenly'anyu, atakhaliwe.

112 Nakhala nlaikha nuulupale, akhala pixipu, akhala mulipaoowehexexa aatthu othene, akhala Totori *Lexe ni lexe*, onakhaleru mutthu ti mutthu, owo aahilaleyeke opatiiso wa maasi ni Nsina na Yesu Kristu, opatiiso wa Eroho Yowarya, aahilaleye wuuluuliwa wa soovaha, Orwa wa Kristu, itthu iya sothene, atakhaliwe! Owo eererya okuxa kamosa-kamosa wa Masu ala va ni wira yaari a mahiku makina n'uhelela mwa muupuwelo mukina w'elolo niixuttaly'ahu oseminaariyu, atakhaliwe!

113 Nrowe nisome, noone moota Paulo aakhenly'awe, noone moota, etthu kimpavel'aka wooleelani voosis'ula.

Okhaka wira vano kinaakupaliha atthu, wala Muluku? wala kimpavela waasiveliha atthu? maana kaaphavenle nlelo waasiveliha atthu, weso nkaarowa okhala murumeyi a Kristu.

114 Kinwehererya sayi etthu, onwehererya sayi mutthu onimphenta Muluku, ni vootepexa, mulaleyi, owehererya wira etthu kuhikhala oonyokhiwa n'atthu? Atthu animoonyokhani. Ahe, awo yiirale. . . Yesu iirale, "Vakhala wira awo anikiihana Miyu, Mwaneene etthoko. . . Miyu ka Mwaneene, muulupalexa a nyuwo othene. Miyu ka Ole onwerya opaka miiriirya ni wira sinci-ene ni Eroho Yowarya woovikanani nyuwo othene, okhala wira kookhalana waatta wothene woomalela mwa Miyu. Nto vakhala wira awo aakiihana Miyu 'Pelizepuli,' ankihi

nyuwo anrowa owiihanani sayi? Masi,” khwira, “muhiwelavele mwaha w’etthu enrow’anyu ohimya, okhala wira kahiyo nyuwo munrowa olavula, anrowa okhala Atithi ankhala mwa nyuwo, anlavula okathi ene yoowo. Mukhale ni Masu paahi.” Vano Owo, okathi Owo omalinh’awe olepa Eliivuru, Owo iirale, “Khula mutthu onrowa okumiha Nuulumo nimosu muLiivuruni mu wala wuncererya nuulumo nimosu Memmo, yoowo onookumihiwa muLiivuruni mw’Ekumi, wa yoowo.” Muluku anikhaliherye okhala paahi ni Yaawo!

115 Vano eversiikulu enttharelana, mukihiye kisome naanaano, kisome voowaakuva naanaano.

*Masi kinnoosuwelihani. . . Eyo ti, owuupuwelihani.
Kinnoosuwelihani, axinna, wira ehapari yooreera
yoolaleenryakani khekhumme w’atthu.*

Vano, miyo nkihiyo Metotista, Patista, Prespiteriyaano, wala muPentekosite; khiyaari y’atthu. Nnakhala. . .

Maana nkaakhenle ni mutthu, hata nkiixuttihwe, . . .

116 “Nkinatoko waakhela wa mutthu, hata eseminaariyu, hata totori, hata emuluku, hata exikola y’osoma-wo. Nkinatoko waakhela siiso, nkinatoko wiixuttiha siiso, nkinatoko ophwanya siiso, eyo khenarweeke wa miyo siiso.” Erwiye sayi nto, Paulo?

. . . nkiixuttihwe, masi wuupulula wa Yesu Kristu.

117 “Okathi Kristu iisuupulunly’awe Mmansawe wa miyo, wira Owo aari Mwaana a Muluku, okathi Nlumi nle na Mooro naakimorenly’aya nihiku nle, miyo khwira ‘Ti Pani Nyuwo, Pwiya?’ Owo khwira, “Miyo ka Yesu.”

118 Vano, kinrowa owoonihani etthu—etthu yaamukhumelenle. Vano, naanaano va mutthu aakhalanne-ru musuwelelo, awo yaamutthuna onvaha iyaakha muloko wira iixutte Ekreku, ni iyaakha muloko ikina wira iixutte etthu ekina, vano mwa okathi yoowo owo oomalalama. Nkawehani.

*. . . hata nkaakhenle ni mutthu, hata nkiixuttihwe,
masi wuupulula wa Yesu Kristu.*

*Tthiri nyuwo muhiwa mweettelo aka okathi wa
khalayi mwa ikano s’aYuta, . . .*

119 “Miyo kaari totori muulupale, mmiravo. Kaahikhalana sothene.” Owo aixuttihwe ni Kamaliyeli, musomiha muulupalexa awo yaarin’aya mulaponi. Akavi answela wira Kamaliyeli aari mmosa w’alupale, wa asomiha aalupale? Ayo, mulopwana. “Etiini aka y’eYuta, mmiravo, miyo kaanisuwela yothene; miyo kaanisuwela sothene moota w’omuhimya Waamini w’Arummwa ni itthu sothene iye, moone. Kaanisuwela moota wo wira mavekelo othene a voosiisu ni waareeriha atthu.” Munnona?

...wira n'ikuru saka sothene nto kaanilupattha ekereja ya Muluku, kiphavelaka opwetexa: Moota kaatthun'aka weemexa nikhuru nle n'amasantu oophirikeya! Munnona? Munnona?

Ni miyo kaanaavikana mw'etiini y'aYuta . . .

¹²⁰ “Miyo kaari mutthu muulupale. Mmiravo, vekeekhai miyo. . . Miyo kaanaavikana, kaahiwooniherya wira kaaniwerya waanyakatta, 'okhala wira kaahimwiiva Sitefano ni itthu sothene sinci-ene sikina kiiraly'aka. Moone moota kiiraly'aka!” Moota kaalupatth'aka n'ikuru saka sothene!

Miyo kaanaavikana mwa etiini y'aYuta anci-ene a eyinnuwelo aka mulaponi mwaka, kaanitepa okhalela nthiti otthara n'uthokererya ikano s'axitiith'aya.

¹²¹ Vano, muupuwele, kahi Masu a Muluku, “ikano s'axitiithi,” ikano sa ekereja, mwa moolumo makina. “Miyo kinoona wira kaari Metotista okhuma munawoni mpakha mmuruni, kaari muPatista munawoni mpakha mmuruni, kaari muPentekosite munawoni mpakha mmuruni.” Oh, mwa yoowo? Kintthuna kikhale Muluku munawoni mpakha mmuruni. Ayo, ti yeeyo. Munnona? Vaareera.

. . . ikano s'axitiithi aka.

Masi Muluku muhina w'ophenta wawe, . . . (oh, oh, Paulo, nyuwo munoorwa va) . . . yoowo okithanlale mmirimani mu'ame aka, yoowo okiruhale olumwenku ula, khukiitthana ni mahala awe,

Wira omusuwelihe Mwan'awe mwa miyo, . . .

¹²² Eri sayi yeeyo? “Eroho Yowarya mwa miyo! Ti otthuna wa Muluku okikuxa miyo, yoowo okithanlale okhuma mmirimani, khukivaha Mwaana, ekhanle Eroho Yowarya mwa mukhalelo wa Eroho, mwa miyo, wira aisuwelihe Mmansawe mwa miyo.” Oh, wulu! Whish! Miyo—miyo—miyo kookupali wira kintthuna okhuwela vakhani paahi.

¹²³ Nkawehani, mukihiye kooleleni, munna. Vatthunn'awe Muluku! Oh, aleluya! Vatthunn'awe Muluku! Tiithi mmosa namuhapaliwa. Mai . . . Muluku ooreeriheni, maama, nkinihimya hat'etthu yo woovirikanyani. Masi mai ahaasuwela etthu ya Muluku onvikana namarokolo onsuwel'awe ixapattho sa nnakhutuni. Ni tiithi aarupaathiki ohapaliwe-ene mphironi. Ni kihikhalanne hata ixapattho wira kirowe oxikola, ni ikharari soorekama mpakha muxikoni, vano atthu othene yaanikinyokha okhala wira kaari muKentucky nno oIndiana. Nto moota, oh, moota yaary'aya eyoonelo yoonanara. Masi Muluku khutthuna! Amen! Vatthunn'awe Muluku, Yoowo okithanlale mmirimani mw'ame aka, wira Owo omusuwelihe Mwan'awe mwa miyo, okikhalihana murumeyi a Masu, aarowa okhala ni Yaawo paahi,

yaarowa wooniherya sowoona ni ithoonyeryo ni mitikiniho ni miiriirya. Nto, oh, wulu!

124 Munnoona etthu Owo aahimmy'awe? Vatthunn'awe Muluku wira yeeyo! Sayi? Nwiriyanne oratteene. "Om-..." Mukuxe eversiikulu 16 vano.

Omusuweliha Mwan'awe mwa miyo, wira kimulaleye w'amalapo; naanaanoru nkaaronwe oveka miruku okereja:

125 "Nkinaroweke w'apixipu omukoha etthu yaatthuneya miyo wira. Nkinaroweke wa hata erutthu n'iphome, hata mutthenkeso wala etthu p'itthu ekina. Nkinakhaleke nnaata n'awo. Nkinavekeleke miruku erutthu n'iphome. Nnakhala nkinaroweke oYerusalemu w'anamukuttho othene aalupale oowaarya ni axitiithi oowaarya, ni othene awo, ni wira, 'Vano, moosuwela, kaahikhalana yoowoona, kiireke exeeni wa yeeyo? Miyo kaahimoona Pwiya Yesu oottotopeliwa muhina mwa yoowoona.' Awo yaamwiira, 'Khumani va, nyuwo! Exeeni... Nyuwo santu oophirikeya! Ahe, exeeni yookhumeleneni?' Nnari, kaahikhalana ikharawu saya sothene opacerya wene. Kaahikhalana..."

126 Nto Paulo oohimya va, kinoowerya owoonihani mwa Yoolempwa, wira owo ohimye wira aahaana oliyala itthu sothene aatonko awe wiixutta, ni woona ohikhala etthu, wira awerye omusuwela Kristu. Oh!

Hata nkaaronwe oYerusalemu w'ale yaari arummwa miyo kihinatthi; masi kaahirowa w'Arapiya, numala khuhokolowa-tho kirowaka oTamasiku.

Nto nuuvira iyaakha tthaaruru kaahirowa oYerusalemu okumana ni Petru, khukhala ni yoowo mahiku muloko ni mathanu.

127 Nto natthikela nisomaka, ninniphwanya wira owo ni murummwa Petru khiyaatonko woonana aakhalaru, khiyaatonko osuwelana mmosa ni mukhw'awe, khiyaatonko woonana mmosa ni mukhw'awe, masi vakumanans'aya awo yaalaleyasa Ehapari yooreera emosaru. Muluku ookhalana exikola. Munnona? Ayo!

128 Va aari Petru, eemenle Nihiku na Pentekosite, khwira, "Murukunxe murima, khula mmosa a nyuwo, mpatisiwe ni Nsina na Yesu Kristu, wira muleveleliwe itampi sanyu, munimwaakhela yoovaha ya Eroho Yowarya."

129 Filipe khwira, "Oh, moota ery'aya yoovuwexa yeela! Kihaana wira etthu nave. Khurowa o...Kaahihaniwa wira kirowe oSamariya." Khurowa wu khulaleya mmawaani. Etthu yoopacerya, mureta mmosa khurwa, khumwiixaatherya matata, khupacerya orukuneya n'utupha. Khwira, "Avuwihawe Muluku, hiyo nri va!" Khupacerya okhalana muthukumano muulupale.

Owo khwira, “Othene anyu munnitthuna Eroho Yowarya.” Owo khwira, “Murin’anyu wira, muhaana opatisiwa ni Nsina na Yesu.” Tivo owo khwaakuxa, khula mmosa, iwe khwaapatisa othene aya ni Nsina na Yesu. Khwira, “Murwe, Petru, nwiixaattherye matata vano.” Vano awo khwaakhela Eroho Yowarya.

Petru, osulu iwe owannyawe Kornelio, enamuna emosaru.

¹³⁰ Paulo khaatonko hata omoona wala wiiwa hat’etthu ya yoowo. Masi owo aahivira mmittettheni s’osulu sa wEfesu, nto khwaaphwanya awiixutti kamosa-kamosa. Owo aahimphwanya mulaleyi mmosa muPatista, owo aari, Apolo, mulapeleli mmosa aarukunxale murima, oosuwela, oosuwanyeya, amukuxaka Waataana Wa Khalayi ni ooniheryaka ni Yoowo wira Yesu aari Mwaana a Muluku. Ayo, mulopwana, owo aari mutthu oosuwela. Vano awo yaamukhuwela, awo yaamutthapa. Biblia ohimmye siiso. Musome ekapiitulu 18 ni 19 ya Miteko moone yahaari ekeekhai. Awo yaamutthapa, awo yaamwiinasa mwa Eroho, ni etthimakaka mapuro othene, moosuwela. Paulo khwira, “Masi muhaakhela Eroho Yowarya okhuma okathi mwaaminni anyu?”

¹³¹ Nto nyuwo axinna aPatista muneererya waakeliha yeeyo atthu murumeelaka ikuru, ni wira Ekreku y’ekeekhai ehimmye wira, “Muhaakhela Eroho Yowarya okhuma, ahiiso *okathi* mwaaminni anyu?” Miyo kinootharimulani wira mukiruuhele Ekreku! Miyo kookhalana Ekreku y’ekeekhai eri ni miyo. Nave-tho kookhalana Aramaiku, ni eHeperi, nave. Khula mmosa a yaawo oniira, “Muhaakhela Eroho Yowarya *okhuma* okathi mwaaminni anyu?”

¹³² Mwaha wo waamini muhoopowa, iwo omwaamini wanyu Muluku. Ephome enookhalihani ooloka muhi natampi, okhala wira eyo empaka mukuttho. Ephome kheniwoopolani, Ephome enookhalihani oothuwa. Muniira sayi wira muhoopowa? Mwaha wo waamini muhoopowa, nto eyo mwaha w’osuwela khalayi ene wa Muluku, owiihanakani. Nyuwo muhoopowa, nto Ephome enipaka eliveryo, voohihyererya yookhalihakani oothuwa. Vano nto mwa Eroho emosaru moopatisiwa mw’Eroho Yowarya, moopatthanani w’alipa-oowaamini, ni moopatthanani wa Eroho Yowarya, wira mweettihiweke ni Eroho, mpakaka ithoonyeryo, mitikiniho.

¹³³ Nlipelele, enoorwa, nilipelelaka etthu, vakhani paahi nnimoona, kinroromela wira nnimoona khula enamuna. Miyo kaahooleelani wira mukihane okathi yoola, khiyaari siiso? Koonne oweha wene paahi. Paahi e—nuulumo nimosa wala maili paahi tho. Paahi e . . . Eyo e—eyo vakhani paahi tho.

¹³⁴ Okathi mukavi woopowa nno onrow’aya olekela, okathi mukavi? Enamuna xeeni yo woopowa? Okhuma ekereja ni ekereja? Okhuma . . . Nrowe nikhunle mwa aHeperi 9:11, minuutu mmosa paahi, paahi—wira niwehe paahi noone okathi

mukavi, minuutu vakhani paahi. Mukhunle Eliivuru y'aHeperi nto nrowe—nrowe niphwanye paahi okathi mukavi woopowa nno onlekel'aya. Noone enamuna xeeni ya woopowa nno. Nrowe nisome vano aHeperi 9:11.

Masi Kristu akhalaka namukuttho muulupalexa a itthu sooreera sinoorwa, attharihelaka eheema yuulupale ni yootepa oreera, kahi yoopakiwa ni matata, eyo piyo, . . . (vano ola ti muxuttiha mmosaru, Paulo, moone) . . . kahi ya vathi . . . vathi va;

Kahiyo muhina w'ephome ya ipuri wala amwaanyompe, masi ni ephome awe yoowo khuvolowa ekwaha emosa (ikwaha kavi? Ekwaha emosa!) nipuro noowaarexa, khuphwanya . . . (woopola w'esumana, woopola wa muhakalaliho onoorwa? Muthinto xeeni?) . . . woopola ohinimala.

¹³⁵ Exeeni nuulumo “Ehinimala” nnihimy'aya? Mwa Kristu, vaman'yaka waamini . . . Khaavo mutthu onwerya omwiihana Yesu, “Kristu,” ehikhanle ni Eroho Yowarya. Tivo siri mixovo miraru s'atthu: oohaamini, oowiiipaka waamini, ni oowaamini. Masi ale yaaminni wa Ekumi Ehinimala, aakela mpaani.

¹³⁶ Mukuxe eheema ya khalayi, etthu xeeni yoopacerya awo yiir'aya? Yaakela mpaani, Amalapo. Yootharelana aari altaari a eporonse, vaavo waarapihiw'aya mukuttho mukamelani ya weero. Yootharelana waari wiiviwa wa mukuttho, ni oyeehiwa w'ephome vasulu valtaari. Vano, emaara emosa khula eyaakha, Aroni ooreerihwe-ene, oh, (ni exeeni?) ni eyinkhelo ya Ethutu ya Saroni, ni makhura oorikexa yaarina yoowunkhela mwa yaawo, awo yaaniyeeherya vamuru vawe, yaamukhuruwa mpakha mmukalani mwa ikuwo sawe. Nwehe moota mulopwan'ola aarin'awe orowa ottuli wa ikuwo iye, emaara emosa khula eyaakha, okunxe-ene ohoolo wawe ephome ya Mukhuneelo. Vano owo aahimukuxa ttootto awe eyaakha emosa khimuliyala. Okathi otthikeliw'awe, aahiphuwa ni aahikhalana ithutu. Ttootto mmosa owo aamukunx'awe khino iyaakha miloko mixexe mothakoni, khumpweha Nipuro nle Noowaarya! Nwehe, okathi awo yaakux'aya ephom'ele yo waataana, ephome, owo aattikittheliwa makhura. Ni aawaraka ikuwo saarina ittiwi sikhaani mwa seiyo, muhokorokho ni ettiwi. Nto mulopwan'owo aahaana weetta enamuna emosa wira khula okathi aattukhul'awe mwetto awe, ni weetta *sa* ni opaka nivalo nawe, iyo saamuruma “Oowaarya, oowarya, oowarya, t'Apwiya. Oowaarya, oowaarya, oowaarya, t'Apwiya. Oowaarya, oowaarya, oowaarya, t'Apwiya.” Oh, wulu!

¹³⁷ Exeeni enihimy'aka? Mwiiwe Yeeyo, Taperanakulu Branham! Munnikhalanaka okathi anyu. Mutthu amalaru oreerihwa ni Eroho Yowarya, wira akhalihwe mwaana munlokoni mwa Muluku, wira akhalihwe voopuroni n'Atithi,

n'uheliwa mmutekoni va, ni etthunelo awe ya ekumi, wala ele Muluku emwiihanenly'awe, weetta wawe ohaana okhala "Oowaarya, oowaarya, oowaarya, t'Apwiya. Oowaarya, oowaarya, oowaarya!"

"Oh, nyuwo muhaana orukunuwela *ela* n'ukhala . . ."

"Oowaarya, oowaarya, oowaarya, t'Apwiya."

"Oh, nyuwo muhaana waamini sothene humu ohimaly'awe, *ela*."

¹³⁸ Masi, "Oowaarya, oowaarya, oowaarya, t'Apwiya." Masu Aya ekhale oopacerya, Awo ekhale sothene sikhanelle, ekele, yiitikitherye mmurimani mwanu! Weetta wanyu ohaana okhala muhina mwa Masu. "Oowaarya, oowaarya, oowaarya, t'Apwiya."

¹³⁹ "Oh, nyuwo mwarwa-ru nno paahi! Kinimooleelani etthu enrow'ahu wira, ninrowa otthokiha, woohelani mmutthenkesoni mwahu, munookhala mutthu muulupale."

¹⁴⁰ "Oowaarya, oowaarya, oowaarya, t'Apwiya. Oowaarya, oowaarya, oowaarya, t'Apwiya," murowaka. Khenvirikana hata vakhani etthu mutthu mukina enihimy'awe!

¹⁴¹ "Muhokoloxihe ifiita iya! Mwiire *ela*, mwiire *ela*, mwiire *ele*, mwiire *ele*, *ekina*."

¹⁴² "Oowaarya, oowaarya, oowaarya, t'Apwiya." Maitho anyu muhelenle oKalvario, ni khiivo hat'etthu enrowa oweemexani! Meettelo ene a ekumi anyu, muneetta Ephiro yuulupale ya Mwene, mureerihwe-ne ni Makhura oorikexa ootikittheliwano, murowaka mpaani nipuro Noowaarexa. Wish! Amen. Vaareera.

¹⁴³ Paulo ohimnye wira khaakhenle Ala wa mutthu. Vano owo onihimya exeeni, nitthikelaka mwa aKalasiya, nisomi nahu. "Oonisuweliha mwiiriirya w'otthuna Wawe." Otthuna Wawe exeeni? "Oosuweliha miiriirya s'otthuna Wawe." Nyuwo munlepa, eversiikulu 9. Vano kinrowa waakuva saana kikumihe *ela*, 'okhala wira nooxeleliwa.

¹⁴⁴ Oh, khula Masu ari mwa...?.. Oh, khula Masu ti etathela. Munooverya okuxa Yaawo munarowa murehereryaka. Munooverya othipa, kinoowerya . . . Munooverya okuxa nimosa wa Masu awo mmo, okuxa mpakha Maphattuwelo n'urehererya, okuxa mpakha Okhuma n'urehererya-tho, munooverya okuxa mpakha mwa Onamukuttho n'urehererya-tho, nto, okathi omphiy'anyu mwa Wiisuupulula, othene Ti Yesu! Amen. Munooverya orehererya voowaatta ntoko sintthun'anyu, onookhala Yesu okathi oniphiy'anyu—okathi oniphiy'anyu Wiisuupulula. Maana, Owo ohimnye wira, "Miyo ka Yoole Aakhala, Yoole Onkhala, ni Onrowa Orwa. Miyo ka Yoophuwa ni Mulipu wa Davidi, Ettheneeri y'Oxaka. Miyo ka Alfa, Omeka." Owo ti A ni Z mwa aapeseete Ekreku. "Miyo ka okhuma A

mpakha Z. MIYO KOOKHALA! Miyo ka Sothene mwa sothene.” Eyo ekeekhaii. “Miyo ka Yoole aari mukumi ni aakhwiye, ni onkhala voohimala-tho. Kookhalana mihulelo sa mookhwani ni omooroni.” Oh, wulu! Khula etathela munttott’anyu va n’upacerya orehererya, enrowa orehererya elukamaka mwa Yesu.

145 Vano, okathi vakhani paahi ohoolo vano nto ninoo—ninoo—ninoo—ninoo, ninoomaliha. Ayo. Ninlipelela exeeni, nto? Mukhalenleni va vamuthukumanoni? Niwoko naya exeenii? Olumwenku oniipulela mwaha wa xeeni? Musika atoomika othomeiwe iwe mwaha wa xeeni, ikapatti ni aatomu exeeni iye? Ni, oh, sothene iyo ti sa xeeni?

146 Mukhunle, aRooma 8, minuutu mmosa paahi. Enlipelela exeenii? Sothene iya sinlipelela exeenii? Okathi xeeni? aRooma, ekapiitulu 8, nrowe nipacerye nisome mpakha, oh, kaarowa ohimya mulo-. . .Nrowe nipacerye ntoko mulo-. . .eversiiikulu 19, nto paahi—nisome va paahi wira nikhalihe, nikhalihe yoosivela saana. Ti yeeyo. Koosuwela vatthu muniphiyery’anyu vo. Vaareera. aRooma, ekapiitulu 8, kookupali wira koolikanyiha vano. Ayo, mulopwana. Ekapiitulu 8, nto nrowe nipacerye va eversiiikulu 18. Nrowe nipacerye eversiiikulu 14.

Maana othene ale aneettihiwa ni Eroho ya Muluku, awo t’a. . .aana a Muluku. Eyo ekeekhaii.

Okhala wira nyuwo khimwaakhenle erooho enookhalihani ipottha wira mooveke-tho; . . .

147 “Oh, kinniikoha sinto kinoowerya ovilela. Oooh, sinto kinoowerya paahi ovilela vano!” Ohivilela hat’etthu! Eyo kahi sinto miyo koovilela, ti sinto Owo ovilela. Miyo kiri mwa Yoowo vano, moone.

148 Ahe, nyuwo muniira, “Ahe, sinto miyo kiri mwa Yoowo!” Vano nyuwo—nyuwo maPrespiteriyaano muniira, “Ah, hiyo kweekwee naanaamini Yeeyo.” Masi makhalelo anyu annooniherya wira nnari, vahikhanle wira muneetta enamuna emosa ya makhalelo Owo eettaly’awe, munaamini Ehapari yooreera emosaru Owo olalenry’awe.

149 Nyuwo muniira, “Ah,” aPatista aniira, “vekeekhai, miyo kinnaamini nrromelo Ohinimala.” N’ukhumela nno ni waalya asikaro ni othhimakela wiina, ni athiyana ammettha ikharari saya, opintari wiitho waya ni wira kaahiki exeeni? Mihokorokho sanyu sinnooniherya wira khamunaamini Iyo.

Okathi oniir’aka, “Munnaamini ovoniha wa Muluku?”

“Oh, Totori Jones ohimmye wira yaari siiso, eyo yaari mahiku ale avinre.”

150 Vano, nyuwo namirima miili! Mulattu ene xeeni ni nyuwo? Nyuwo mwaana oowooniha othunku mootoathiwe. Muroorakamela saana Ehapari yooreera mpakha vanimorih’aya

ikharari. Nyuwo muhapuxeriwe ephiro yoosareya mattoppe vakokholani sinipaheya. Khamunoono va etthu Owo ohimaly'awe? Wira, khula erooho enihimya wira Yesu khorwiiye mw'erutthuni vano, ti ya erooho yootakhala. Bibilia ohimmye wira Yesu Kristu mmosaru nsana, olelo, ni mahiku othene. Etthu Owo ohimmy'awe okathi ule, Owo ti yeeyo vano, Owo ti siiso kweekwe. Nwiriyane paahi.

Okhala wira nyuwo khimwaakhenle erooho enookhalihani ipottha wira mooveke-tho; masi mwaakhenle Eroho ya e- . . .

[Muthukumano oniira, “*enookhalihani aana.*”—Mol.]

¹⁵¹ Vano, vammal'anyu okhalihwa mwaana, vaareera, vammal'anyu okhalihwa mwaana. Munooheliwa vopuroni, vano munoosuwela saana, nuumala niira ohimya khuheliwa mw'Erutthuni voolikana-ene. Nyuwo mwa mwaana mulopwana, vekeekhai, mwaana muthiyana, okathi oniyariw'anyu vasya nyuwo mwa yeeyo, iwo oyariwa wanyu. Masi vano mooheliwa vopuroni.

Hiyo khinaakhenle erooho yo woova; masi naakhenle Eroho, hiyo naakhenle Eroho ennikhaliha aana, mwa yeeyo ninkhuwelan'ahu, Abba, Tithi. Yeeyo enihimya, “Muluku aka.” Vaareera.

Eroho yeeyo ennikhalela onamoona n'irooho ahu, wira hiyo na—hiyo n'ana a Muluku:

¹⁵² Eyo eniira sayi? Nyuwo muniira, “Avuwiiwe Muluku! Aleluya! Eyo khenikihaaxa miyo, miyo ka mwaana a Muluku,” n'ukhuma ni wira itthu siniir'anyu? Eroho ya Muluku enoovara miteko sa Muluku.

¹⁵³ Yesu ohimmye wira, “Ole onikaamini Miyo, miteko sinvar'aka owo onoovara nave.” Munnona? Munnona?

¹⁵⁴ Vakhala—vakhala—vakhala—vakhala wira erintta ela enoophuwa khwiima nivara na iwuuva, nto ele enttharelana khuphuwa khwiima nivara n'amarapo, yookhala etthu evonyeie. Munnona? Eyo ekereja yootopanyeriwa, eyo erintta yootopanyeriwa, owo mutthu oottopanyeriwa. Vakhala wira mutthu ni muromolelo mmosa, oniira mpantta wa muromolelo ni wiisihana muKristu, nave khuhikhalana Eroho Yowarya ni khuhikhalana Owerya wa Muluku ni itthu iya sothene. . .

¹⁵⁵ Vano, nyuwo mwaakhumelaka nno ni wira ntoko nikhuru n'ala yaahapaliwe, mwaha wo wira moolavula ilavulelo paahi. Miyo koowoona axetwani elavulaka ilavulelo. Ayo, mulopwana. Miyo koowoona wiina muroohoni, n'unyakula okhuma mapheru mwaano, n'itthu sothene sikina, ni sothene iyo. Miyo kinnoon'aka yeeyo. Miyo ka . . . Miyo nkinihimya yeeyo. Kিনিহিয়া Eroho ya Muluku.

Eroho yeeyo ennikhalela onamoona n'irooho ahu, wira hiyo na . . . n'ana a Muluku:

Vano vakhala wira nto n'ana, oorithi; oorithi sa Muluku, . . . oorithi vamosa ni Kristu; vakhala wira . . . naahaawaka vamosa ni yoowo, wira ni . . . nave nnoottittimihiwa vamosa ni yoowo.

Maana kinnikupali wira ohaawa . . .

156 Nwiryane ela paahi. Oh, vakhala wira ela kehiyo yooreera!

Maana kookupali wira ohaawa orin'ahu okathi ula khuhiyo woolikanyihwa ni ovwa onrowa wooniheriwa mwa hiyo. Mwa hiyo!

Maana soopattuxiwa sothene sinnilipelela vanci-ene . . .

157 Wookhala wiihana va, nookhala nikhaani—nookhala nuulumo nikhaani vo, osoma wa mukerekhere, “soopattuxiwa” ti noolikana, mw'Ekereku.

. . . soopattuxiwa sinnilipelela, soopattuxiwa sinnilipelela wa wooniheriwa w'ana a Muluku.

158 Exeeni itthu sothene sinlipelel'aya? Exeeni soopattuxiwa sothene sinlipelel'aya? Wooniheriwa w'ana a Muluku. Sinlipelela Ekereja okhala voopuroni vaya. T'ani aari mwaana a Muluku, okathi Adamu, owerya wawe waari vayi? Elapo ya vathi. Owo, owo ahikhalana owerya elapo ya vathi. Eyo ekeekhaii? [Muthukumano oniira, “Amen.”—Mol.] Owo khaari Elah, Elah, Elohim okathi uwo; Owo aari Yehova. Munnona? Eyo ti, “Miyo ka Muluku, nto Miyo kihaapaka akina ooyeva vathi Vaka. Ni kihaavaha owerya. Nto mwa owerya waya, owerya vathi vaya, t'ilapo ya vathi.” Mutthu aahikhalana owerya elapo ya vathi. Nto soopattuxiwa sothene sinnilipelela aana a Muluku wooniheriwa. Oh!

*Hiyo ninniwehererya orwa wa nihiku nlo nootthapa na mileeniyu,
Okathi Pwiya'ahu oottotopeliwa onrw'awe omukuxa Mwaakameliwa Awe onwehererya;
Oh, elapo ya vathi enniipulela, yinlelaka nihiku nenlo na ovuluxiwa woosivela,
Okathi Moopoli ahu onthikel'awe-tho elapo ya vathi.*

159 Eyo ekeekhaii? Olipelelaka. Muluku otthunaka okhaliha ekereja Awe voopuroni, wira iisooniherye Mmansawe, omuphwanyaka mmosa Owo okhanly'awe oovaraka-mo muteko siisa, wira, “Eroho Aka ele vale enikhwalala vootaphuwa wene. Ele eri vale. Wira, wira, Miyo—Miyo kinniwerya ovaramo muteko.” Va, omuphwanyaka mukina nno n'umukhaliha voopuroni, “Miyo kinniwerya omukhaliha voopuroni.” Okhalihiwa aana, okhaliha voopuroni, wooniherya, omuruuha

ota nno n'ukhalihwa niira mwa yoowo, omuthotola ni Nlaikha, omuleela etthu. Vano, sinto owo ohimye ekeekhai! Vano vakhala wira owo onoopuni etthu paahi, khenvar'etthu. Nnari, nnari, eyo—eyo khenrowa ovar'etthu, hiyo ninnikhalanaka sinciene sa yeeyo. Masi kinihimya—masi kinihimya wooniheriwa w'ana a Muluku, okathi Muluku oniisoonihery'awe Mmansawe n'umuruma. Vano nto owo onoorowa, ni etthu enihimya'awe enkhala Ekeekhai. Etthu eniir'awe enkhala Ekeekhai. Etthu eniir'awe, owo onimooniherya Kristu. Munimulamula sayi uwo? Mwa enamuna owo onikhal'awe ni Masu, voolikane-ene ni Masu. Moone, ti siiso munaasuwel'anyu atthu othene, ti mwa enamuna owo onikhal'awe ni Masu. “Vakhala wira awo khanlavula ettharihaka Masu, khiivo Ekumi mwa yaawo,” onihimya Bibilia. Munnona? Mwaahiye erowe.

¹⁶⁰ Vano nrowe nisome, nto ni—nihaana omaliha, 'okhala wira okathi ahu onoomala. Vaareera, eversiikulu 10, ahiiso eversiikulu 9, kiireke.

Oonisuweliha mwiiriya w'otthuna wawe, wira onikhalihe aana, ntoko owo suupuwenly'awe opaka mwa yoowo mwaneene:

¹⁶¹ Owo uupuwenle ela Mwaneene, ohinatthi opattuxiwa olumwenku. Akavi aniiwa saana? Munnona?

Wira waphiya okathi aya . . .

¹⁶² Oh, wulu, hiyo nnoorwa-tho va! Huh! Oh, nrowe—nrowe—nrowe nihiye, moone.

. . . waphiya omalela w'okathi . . .

¹⁶³ Nyuwo munaamini okathi? Bibilia ohimye siiso, “Waphiya omalela w'okathi.” Omalela w'okathi exeenii? Onnikhalaka okathi wa, ahe, waahikhala okathi wa Ikano sa Mosaiko. Waahikhala okathi wa—wa—wa Yohani Mpatisa. Waahikhala okathi wa Kristu. Waahikhala okathi wa mutthenkeso w'ekereja. Waahikhala okathi wa omwaraxiwa w'Eroho Yowarya. Vano okathi w'okhalihwa aana, yeeyo olumwenku onliplel'aya, wiipulelaka. “Nto waphiya omalela w'okathi, waphiya omalela w'okathi.” Omalela w'okathi iwo exeenii? Okathi alipa-ookhwa anrow'aya ohihimuwa, okathi iretta simmal'aya, okathi e . . . okathi elapo yothene enihiy'aya wiipulela. “Waphiya omalela w'okathi.” Nwehe ela.

Waphiya omalela w'okathi aya owo onrow'awe othukumanya itthu sothene mwa Kristu, . . .

¹⁶⁴ Khamuntteeliwa murima? Owo onrowa wira sayi yeeyo? Othukumanya itthu sothene mwa Pani? [Muthukumano oniira, “Kristu.”—Mol.] Nyuwo munkela sayi mwa Kristu? [“Mwa Eroho emosaru.”] Mwa Eroho emosaru hiyo othene noopatisiwa mwa [“mw'Erutthu emosaru”] Erutthu emosaru. Nto Erutthu iyo ti Erutthu y'Ani? [“ya Kristu.”] Yoomala ohukummwa. [“Amen.”]

Owo ookuxa ehukhumu ahu. Vano hiyo n'ani? "Miyo koonaru ["Ephome."] Ephome, kinoovira vasulu va nyuwo." Khula okathi Owo oniweh'awe Erutthu, Eyo eri vale, yoosareya ephome. Miyo kiri memme mwa sayi? Eroho Yowarya. Owo onivira vasulu paahi. Oh, wulu!

Nto waphiya omalela w'okathi, *owo onrow'awe othukumanya . . . itthu sothene mwa Kristu, sothene siri wirimu, . . .*

165 Vano mwaatthunaka olavula sa nsina, ninoopacerya eyo naanaano va okathi vakhani. Maloko othene Wirimu aniihaniwa exeeni? [Muthukumano oniira, "Yesu Kristu."—Mol.] Maloko othene vathi aniihaniwa exeeni? ["Yesu Kristu."]

166 Aakhala axithiyana kamosa-kamosa ooreera murima mu, ooreera murima, athaaciri, muhano eekeekhai, ahano. Ookhala Muhano Branham mmosa, Muhano William Branham, awo t'amwaar'aka. Awo anrowa owaani ni miyo. Moone, othene anyu munrowa n'aiy'anyu.

167 Yookhala Ekereja emosa yuulupale ekumi ya Muluku mukumi, Eyo enkuxa Nsina Nawe, Eyo esareiyе Eroho Awe. Eyo ekeekhai. Miyo nkinihimya . . .

168 Miyo nkinuulumela miteko sooreera, miyo nkinuulumela ixipiritaali saya ni itthu sooreera awo anii'aya. Kinoona wira ti yooreera, ni iparacka sa Muluku w'atthu, asikhini anihaawa. Miyo nkinuulumela itthu sothene iya sikina awo anii'aya. Vaareera, eyo ti yooreera. Ni mitthenkeso saya suulupale ni itoolare imilyawu sene, vekeekhai kaamwamputi woona yeeyo nihikhanle nikhuru nle n'anamapaka eviinyu wiiphiini vanlothoni, khula okathi. Miyo vekeekhai kinnaattittimiha awo ntoko arumeyi yeemenle-ene vapulpitu.

169 Masi yaaphiyeryaka othukumanyiwa vamosa woomalelani w'okathi, enrowa olipelela wooniheriwa w'ana a Muluku, mwa okath yoo- . . . wira Owo aathukumanye othene, othene aruuihwe mwa Kristu. Exeeni Kristu? Akavi . . . Hiyo ninkela sayi mwa Yoowo? aKorinto I 12, "Mwa Eroho emosaru hiyo othene noopatisiwa mw'Erutthu emosaru, yeeyo ekhanle Erutthu ya Kristu, khukhalihwiwa oowiira mpantta a khula yoovaha ni khula ethu yooreera Owo orin'awe." Eyo ekeekhai? "Vano elapo othene enniipulela, yinlaka, elipelelaka wooniheriwa wira okathi Kristu ni Ekereja Awe anrow'aya okhala vamosa."

Wira . . . waphiya omalela w'okathi . . . othukumanya vamosa . . . mwa sothene Kristu, sothene siri wirimu, ni vathi; ni hata mwa yoowo; . . . vathi; hata mwa yoowo;

Mwa yoowo . . . hiyo nihaakhela yoorithi, . . .

170 Oh, Munna Neville, mukilevelele mwaha w'okuxa okathi ula. Miyo . . . nuulumo nlo "yoorithi." Oh-oh-oh-oh! Oh, nihaana! Oh-oh-oh-oh! Miyo koosuwela wira Owo . . . Owo ti Munn'aka

mmusi. Miyo nki. . . Kinroromela wira nkihiyo naanepa. Miyo—miyo—miyo paahi. . . Nkinoona wira kookhala. Masi, oh, wulu! Exeeni? “Yoorithi.” Noophwanya yoorithi. Mutthu ohaana woohiyeryani etthu. Muluku, ohinatthi opattuxiwa olumwenku, ohoohiyeryani etthu. Nsina nilempwe muLiivuruni, wira okathi Mwaapwittipwitthi aarow’awe wiiviwa nyuwo mwaarowa osuweliwa ni Yoowo. Oh! Nrowe nuurele yeeyo ekhale y’ohiyu. Nrowe nitthikele nisomaka vakhani. Wulu, wulu! Ninrowa ophiya sayi eversiikulu 3 ohiy’ula, ahiiso ekepiitulu 3? Hiyo hata khaanoone iversiikulu xexe wala thanu ya yeela. Vano nihanle omaliha, nnya, kihaana osoma yeeyo kiihiye siiso.

Mwa yoowo nihaakhela yoorithi, nikhalaka. . .

¹⁷¹ Exeeni? Hiyo ninaakhela sayi yoorithi ila va? Hiyo naakhenle sayi yeeyo? Okhala wira neente oratteene? Ninaakhela sayi yoorithi ila? Okhala wira niroothommwa. Amen. Wish! Axinn’aka a Armiiniya, koosuwela wira ti yoolipexa. Nkinthuna woosikulihani, masi ennikooniha oreera saana osuwela wira eyo. . . Nyuwo—nyuwo—nyuwo mookhalana, nyuwo mookhalana, munna, vaareera. Khamunoona paahi. Mookhalana paahi. Munnona? Mookhalana exariya, moone, mookhalana exariya. Munnona? Masi, oh, masi ti yooreera saana oweha. Ayo. Ntoko Munna Neville sihimaly’awe ya ekaleriya ya nakoso, nsana, “Enikuxiwa exikatta khurowa woona etthu erin’anyu.” Ayo, mulopwana. Ti siiso Ela ery’aya. Eroho Yowarya ya Muluku ti exikatta ahu wira enihimeerye etthu erin’ahu. Munnona?

¹⁷² Moone, yoorithi. Oh, wulu! “Nikhalaka. . .” Muthinto xeeni wa yoorithi?

*. . . nootthommwa ntoko sintthun’awe ole
ommaliherya itthu sothene ntoko sinuupuwel’awe ni
sintthun’awe:*

¹⁷³ Okathi Owo aary’awe. . . Owo ohinatthi okhala Paapa, Owo ohinatthi okhala Muluku, Owo ohinatthi okhala Moopoli, Owo ohinatthi okhala Mpenuxa, sihinatthi itthu iya sothene, Owo aahitthoma, khuhela Nsina na Mwaapwittipwitthi muLiivuruni, aahiweha muhina ni osuwela Wawe khalayi ene khoona nsina nanyu, khuhela memmo nave. Exeeni iyo? Nto nuumala okathi vakhani hiyo khurwa molumwenkuni, khuyariwa n’axitiithi anatampi; nineetta molumwenkuni, moosuwela. Naanaanoru, ntoko muYuta ole a ephula yaamukhaani yookhoropana, Paulo, moosuwela, ni—ni owo aakelela ohoolo, nto, etthu yoopacerya, Etthu emosa khwira, “Va, va, va, va, va!”

Nyuwo muniira, “Oh, Abba, Tithi!”

¹⁷⁴ Va hiyo khupacerya orwa, moone. Oonitthomela yoorithi ahu mwa Yoowo, yeeyo nitthomeliw’ahu hiyo. Moone, hiyo nirinthe ohinatthi opattuxiwa olumwenku. Munnona? Oh!

Wira wuupuwela Wawe Yoowo omaliherye otthuna Wawe, eyo ekeekhaii, wira akhale Muluku ni Moopoli.

Nave-tho mwa yoowo mukhanly'anyu, nuumala wiwa masu eekeekhai, . . .

175 Nto T'ani okhanle Ekeekhai? Yesu t'okhanle Ekeekhai, Ekeekhai ya Ehapari yooreera. Ehapari xeeni yooreera? Eri Ehapari yooreera emosa paahi. aKalasiya 1, ahimmye wira, "Hata nikhalaka Nlaikha ninlaleya Ehapari ekina, atakhaliwe." Ela ti Ehapari yooreera, Ehapari yooreera ya woopoliwa wanyu; kahi ekina, khekhanle ekina. "Khani—khanivo nsina nikina nivaheriwe vathi v'Erimu mukhanly'anyu woopowaka." Masi mwa Nsina na exeeni? [Muthukumano oniira, "Pwiya Yesu Kristu."—Mol.] Oh, wulu!

. . . mwa yoowo . . . nyuwo nuumala waamini, mootthittiwa ekanyeryo . . .

176 Oh, "Nuumala waamini!" Ninwerya sayi ovira yeeyo naanaanoru, munna? Nrowe nihiye paahi ekhale y'ohiy'ula, munihimya exeeni? Oh, wulu! Miyo—miyo nkinwehrya orowatho oho—ohoolo ovikana yeeyo. Nrowe nihiye ekhale y'ohiy'ula. Nkinwerya ohiya nuulumo nlo pahi "ootthittiwa ekanyeryo," moota munkel'anyu mme, moone.

177 Yoorithi mwaha w'otthommwa. Miyo koorithi etthu. Yoorithi xeeni? Aahaana okhala mutthu okihiyenrye yoorithi. Vano, nyuwo muniira, "Yesu ohohiyeryani yoorithi." Kileveleliwe? Yesu khonatoko okihiyerya yoorithi, Yesu khonatoko woohiyeryani yoorithi; Owo oorookhuruwa paahi khuliva yoorithi anyu, khooruuhani wa yoorithi anyu. Masi nsina nanyu niheliwe muLiivuruni mw'Ekumi ya Mwaapwittipwirthi ohinatthi opattuxiwa olumwenku. Muluku khoovahani yoorithi. Yoorithi anyu yaari yoopacerya. Yesu paahi orwiiye. . . Anci-ene, va t'eri enamuna awo aneerery'aya okhaliha, "Muluku airaka, 'Ahe, khareere atthu arimeenle. Khaavo mmosa a awo onrowa woopowa,tivo Miyo kinoomuruma Yesu nto khino alakela Owo ono . . . ookhala onrowa woona othunku, asuwele etthu Miyo kiiraly'aka nto oopowe." Oh, ikharari! Miyo nkaarowa weettiherya muteko aka siiso, hata ntoko sineettiheryak'aka imaara sikina. Munnona? Miyo—miyo nkaarowa wira siiso. Ankhi vari Muluku?

178 Muluku, mwa osuwela Wawe khalayi ene, aahoona oratteene t'ani aarowa woopowa ni t'ani ahaarowa woopowa, Owo khimuruma Yesu wira owoopole ale Owo aathanlaly'awe. Paulo khahimmye, iversiikulu thanu ottuli wa yeela, wira "Owo onithanlale mwa Yoowo ohinatthi hata okhala olumwenku?" Eyo ti yoorithi ahu. Muluku oonithanla, khimuhiya Yesu orwa oliva esisapo. Wira exeeni? Omwarexa Wawe w'Ephome Awe, wira khiivo hata etampi naarow'ahu ohimyaniwa. Hat'etthu wa nyuwo. Masi nyuwo mwa . . .

179 “Ole oniira etampi mwayiini nuumala waakhela osuwela w’Ekeekhai, khuuvo-tho mukuttho.”

180 Vano, nto ti vaavo munrow’anyu ovenya-tho, wira, “Ankhi iyo, Munna Branham?”

181 Masi muupuwele paahi, moone, “ole aakhenle *osuwela* w’Ekeekhai.” Awo khanaakheleke Ekeekhai, awo yaakhenle osuwela wa Yeeyo paahi. Munnona? Khinweryaneya w’ale yaatonko omwaleeliwa, khwiira mpantte wa Eroho Yowarya, khulawiha owerya wa Masu ooreera. Ntoko alipa-oowaamini awo a mmukaanoni ottuli wu. Anciene aakilepela ipaphelo mwaha wa yeeyo.

182 Alipa-oowaamini awo a mmukaanoni yeettale mpakha iwe, Yoxuwa ni Kalebi khurwa iwe. Mwaha wa xeeni? Vano ninrowa wiiwthana eyo Eroho Yowarya, muttethe ole iwe. Va awo ari ottuli *nno*. Wala osulu *nno*, niire *ela* Eroho Yowarya, nto awo ari ottuli *nno*, moone. Iwe ti otthu ori natiri, ori *iwe*. “Ahe, awo yaaruma anamahottela muloko, mmosa a khula nihimo, wira mahimo othene hiyo niwerye osuwela ele ekhanle yoorthi ahu, vatthu othene ahu ninrow’ahu okhalihiwa iwe, otthu onrow’ahu okhalihiwa.’ Vano, kinrowa waaruma anamahottela kamosa-kamosa.”

183 Othene aya khuphiya iwe, “Oh, wulu! Nnari. Hiyo naamwiihaniwa masantu oophirikeya, okhuma vaavo mpakha ohoolo. Nnari, hah-ha, khinaakhanle oowiraka siiso.” Munnona?

184 Yoxuwa ni Kalebi khwira, “Kinimoona moota enlikan’aya.” Vano awo khurwa nno khuwehaweha mapuro othene. Wulu, awo khuphiya iwe khwiikittha nivara nuulupale na iye saari iwuva saya kuhokolowa. Khwira, “Mmiravo, owo ori saana, owo ori saana! Va, kuxakani kamosa-kamosa, iyo ti sooreera vekeekhai!”

185 “Oh, ti wooreera, masi, oh, nkaaweheni ale aalupale... Oh, khinaakhanle wiiraka. Weemela nivirikanyaka miromolelo iye sothene suulupale, itthu iye sothene suulupale? Oh, ti yootakhala, khaninwerya wira. Nnari, mulopwana! Hata wira ti pani, khaninrowa wira. Nnari, mulopwana.” Nto awo khupacerya wira, “Oh, nrowe nitthikele miyaapu s’enama sa wEjitu. Fataari naahanle weiwe. Khaninwerya wira, ephiro ela khereere orika. Noosuwela wira khaninwerya wira *ela*, khaninwerya wira *ele*.”

186 Kalebi mutokweene khwira, “Mukhale oomaala, othene anyu!” Yoxuwa khwira, “Mmaale, khula mmosa a nyuwo! Mukihiye kihimye etthu.”

187 “Oh, mai, mai, mai, khaninwerya wira! Oh, khinaawerya. Ahe, vaakhanle wira kaahaana ohiya niira naka na iturufu Munna Branham! Vakhala wira kihaana ohiya ikharari saka

wunnuwa ntoko muthiyana oowuuluvala, nkisuwenle exeeni kaarow'aka wira. Vakhala wira kihaana omurula kaputtula aka mwaamukhaani, miyo—miyo—miyo, wulu, nkaawerya, moosuwela. Nto vakhala wira kaahaana waahiya asikaro aka, vakhala wira kaahaana wira yeeyo!" Nyuwo nthoonyeryo noohaawa ootthuneliwa. Ayo. "Khaninwerya wira."

¹⁸⁸ Yoxuwa khwira, "Oh, ti wooreera. Aleluya! Nnoowerya okuxa." Yaari exeeni iyo? Awo yaaweha mittetthe suulupale saatekeleliwe exiri. Nto Yoxuwa ni Kalebi yaamuweha natiri Muluku aammann'awe. Mukhale ni Masu, voohicala nyuwo mw'ani. Mukhale ni Masu!

¹⁸⁹ Maana Petru ohimnye wira, "Murukunxe murima, khula mmosa a nyuwo, mpatisiwe ni Nsina na Yesu Kristu wira muleveleliwe itampi sanyu, okhala wira natiri t'awinyu," (Muttetthe xeeni wa natiri?) "ni an'inyu, n'ale ari ottaiwene, hata othene ale Apwiya Muluku ahu antthun'aya owiihana."

¹⁹⁰ Muhihye ela woosikulihani, kimalihaka, xontte muhihiye. Munnona? Nyuwo vo Anawetta a Osantu ni aNasareeno, nyuwo mukenle moreerihwani, mweettale mpakha nno mpakha nipuro hata mwaawery'anyu wona iwuuva, vano nto khurukunuwa khutthika. Munnoona etthu ekhumelenle? Owo ti mulattu ene, nyuwo khamuneetteke mpakha okela mmuttettheni. Mukoonihe Nasareeno mmosa wala Nawetta a Osantu, wala mmosa a yaawo vapuwani olelo, okhalanaka ikampaanya suulupale so ovoniha ni ithoonyeryo ni mitikiniho. Mukoonihe mmosa. Nyuwo musiveliwe ni Ejitu, mutthikenle miyaapu sa aayu. Nyuwo mweemenle Okadexi barne. Ti yeeyo.

¹⁹¹ Nwehe, ni mukihye koovaheni nipuro nanyu, mwa aHeperi ekapiitulu 6. "Tthiri khinweryaneya w'ale yaatonko omwaleeliwa," mwaanisuwela saana. Vaahikhale siiso, munnisuwela vano. Munnona? "Ni yiirale mpantte, ni yaalawinhe soovaha sa Wirimu."

¹⁹² Yaalawinhe, moone. Atthu anoorowa okereja, n'ukilaathi ni wira, "Moosuwela, awo, awo vaamuweryaneya okhalana exariya. Eyo—eyo—eyo vaamuweryaneya okhala exariya. Vaamuweryaneya okhala vamosaru, masi kinimooleelani, mmiravo, ontthuneya waamini wunci-ene wira mwiire eyo."

¹⁹³ "Yaalawinhe soovaha sa Wirimu, vano mookkaliha Ephome yo waataana 'etthu yoonanara,' yeeyo yookhalinheni oowaarya."

¹⁹⁴ Ntoko mulaleyi mmosa, ame awe animuruma ottaiwene. Owo oniira, "Kihiihaniwa wira kikhale murumeyi a Apwiya."

¹⁹⁵ "Vaareera. Yoopacerya kirin'aka wira okattha vathaapwani, oophentiwa, ni kinrowa wooroihanii ottaiwene exikola khata." Etthu yootepexa awo atonko aya wira. Eyo ekeekhaii. Awo anookumiha yothehe ele Muluku otthunn'awe ohela mwa yoowo. Nto, vano nwehe.

196 “Okhala wira naakhanyereryaka wira etampi vootthuna wahu, etampi vootthuna wahu nimanlee-ene waakhela osuwela wa Ekeekhai, osuwela. Wona mwa Yolempwa ni khusuwela wira Bibilia onihimya wira Owo mmosaru nsana, olelo, ni mahiku othene. Wona Yeeyo, ti osuwela wa Ekeekhai. Wona, eyo, khurukunuwa, n’ukhaliha Ephome yo waataana . . .”

197 Mutthu oniira, “Oh, ayo, kinnimwaamini mu—Muluku.” Vareera, nyuwo mumpaka nivalo noopacerya.

198 “Vekeekhai, miyo kinnaamini oreerihwa.” Vaareera, nyuwo muri mmukaanoni, osulu nno oolikana wira mwaakhele Eroho Yowarya. Masi munooweha iwe ni wira, “Miyo—miyo—miyo nkisuwela eyo. Vaakhanle wira kaahaana wira ntoko . . . Nnari. Nkisuwenle. Nyuwo moosuwela etthu eniihaniw’aya athhu ale? Uh-huh, nkisuwenle sinto kaamuwerya wira yeele wala nnari. Nnari, kookupali wira kinoorowa kiitakanxe . . . ? . . .” Munnona? Munnona?

199 Nto nyuwo moosuwela eniiraneya? Owo iirale, “Khinweryaneya w’awo okhalakhala akelaka.” Awo aattheka khupwetexa mahiku aya a mahala. Bibilia ohimnye siiso. Koosuwela wira eyo ti yoolipa, masi Bibilia oohimya, “Yaalawinhe soovaha sa Wirimu, khukhaliha Ephome yo waataana mwa yeeyo . . .”

200 Awo aniira, “Kinnaamini oreerihwa, makhalelo ooreera, ooloka, oowaarya.”

201 Vekeekhai, masi nyuwo, okathi onoon’anyu opatiiso wa Eroho Yowarya, ni opatiiso ni itthu sothene iya sikina mBibiliani, nto muhiira exeeni? Mookhaliha Ephome yo waataana yeeyo yookhalinheni oowaarya, “etthu yoonanara.” Exeeni yooruuhaleni osulu iwe, mulopwana? Exeeni . . . ? . . . Exeeni ehookhalinheni natampi ootakhala? Exeeni ekuminhe etampi mmakhaleloni mwanyu, ni omulya soona n’uwurya, n’athiyana ni itthu mmakhaleloni mwanyu, sahaatthuneya wira sikhlanle-ene vale? Exeeni yiirale siiso? Ephome yo waataana! Vano nyuwo khwaattamela voophiyerya wira mulawihe iwuwa sa Mmuttettheni, vano khuuleliwa muru Ehapari yooreera, moovaka muromolelo anyu! Muluku animorele ikharari! Ayo, mulopwana. “Mookhaliha Ephome yo waataana ‘etthu yoonanara,’ ni khuuleliwa muru miteko sa mahala. Khinweryaneya wa owo okhalakhala okelaka Mmuttettheni.”

202 Exeeni yiiraneiyeyo? Kinookohani nyuwo. Vano, miyo ka namalikanyiha, ni khula mutthu ommusuwela Bibilia namalikanyiha. Ookhala w’axilopwana ale aatonko ophiya mutteth’ole wa natiri? Khaavo hata mmosa w’awo. T’ani iirale, t’ani aaronwe iwe? Ale yaaronwe toko, khutthika khwira, “Ninniweya okuxa, ninniweya okhalana Eroho Yowarya ’okhala wira Muluku ohimnye siiso! Petru aahihimya Nihiku na Pentekosite, vakhalaru wira ‘kinoorukunxa murima

khupatisiwa ni Nsina na Yesu Kristu,' kaahaana waakhela Eroho Yowarya, natiri uwo t'awaka. Kinnitthuna wira. Awaka, natiri t'awaka." Munniwa saana? "Vano natiri t'awaka. Miyo kinnimwaakhela, t'awaka. Vekeekhai t'awaka." Yaari yaawo paahi.

²⁰³ "Oh," nyuwo muniira, "masi, Munna Branham, woohihimuwani!" Awo khanrowa okhala iwe. "Oh, awo khanrowa?" Nnari, mulopwana. Yesu oohimya.

²⁰⁴ Awo yiirale, "Nto Nyuwo muniikhaliha Mmansinyu muulupale ntoko Moise, ni muhimmye wira Nyuwo mwaari yeeyo, wira Nyuwo 'moomoona Abrahamu.'" Nto owo khwira, "Nto-nto-nto-nto-nto Abrahamu ohookhwa! Vano, Nyuwo khamurina—Nyuwo khamurina iyaakha soovikanna miloko mithanu, ni muniira moomoona Abrahamu?"

²⁰⁵ Owo khwira, "Abrahamu ahinatthi okhala, MIYO KOOKHALA." Oh, wulu! "MIYO KOOKHALA," onkhala mahiku othene, Muluku Ohinimala. Kahi nsana, kahi meelo, "MIYO KOOKHALA." Munnona? Muluku onkhala mahiku othene, Elohim, "MIYO KOOKHALA." Vano awo khukuxa... Awo yaarowa omwiiva Owo nto.

²⁰⁶ Owo khwira, "Ahe, axitiith'ihu yaahilya emana mothakoni iyaakha miloko mixexe. Muluku aahiyeeki yolya ekhumaka Wirimu khwaalyiha. Awo yaanirowa okereja ni yaari atthu a mukereja ooreera murima mwa iyaakha miloko mixexe. Ame aka atokweene akhwiye vaava ekereja yeela," ni itthu sothene siiso. "Axitiithi aka yaahilya emana mothakoni iyaakha miloko mixexe."

²⁰⁷ Nto Yesu khwira, "Vano awo othene ahookhwa." *Okhwa* enihimya "ovalaanyiwa Vohimala." "Awo othene ahookhwa. Masi Miyo kinooleelani, wira Miyo ka Yolya y'Ekumi ekhumme wa Muluku a Wirimu. Mutthu onlya Yolya yeela ya Eroho, onoophwanya Ekumi Ehinimala ni khompweteya. Ni Miyo kinoomuhimuxa nihiku nookiserya." Oh, munna, Owo kahi ooreerexa?

Owo kahi ooreerexa, ooreerexa, ooreerexa?

Yesu Pwiy'ahu kahi ooreerexa?

Maitho ahoona, maaru ahiwa, ele elempwe
mwa Masu a Muluku;

Yesu Pwiy'ahu kahi ooreerexa?

²⁰⁸ Eyo ekeekhai? Hiyo ninnoona Eroho Awe yoothokorerya eviraka eriyari ahu. Hiyo ninnimoona Owo apakaka miiriirya ni ithoonyeryo ni mitikiniho. Hiyo ninniwa Eyo olempwa mwa Masu vaava va, nyuwo munnoona Eyo olipihiriwa ota wu. Oh, wulu!

Maitho ahoona, maaru ahiwa, ele elempwe
mwa Masu a Muluku;

Yesu Pwiy'ahu kahi ooreerexa?

209 Muhina mwa minuutu sikina miili, wala miraru, onookhala muteko w'opatiiso wa maasi onrowa ovariwa va. Nto vano ale anrowa opatiisiwa, athiyana erowe *nno*, nto alopwana erowe epantte *ela*. Nto vano alopwana erowe moonoo aka woothiyana, *nno* epantte *ela*. Nto athiyana *nno*. Anookhala axinna athiyana mme n'ikuwo soolikana sene. Nto vakhala wi khula mulopwana wala khula muthiyana va voosiis'ula, okupalihawe wira munnaamini Masu a Muluku, ni munnaamini wira Muluku onnimusuka natiri Awe, wira mutthu attharuwa-ru voomalela itampi sawe sothene. . . Vano, Ephome khayiirale etthu nlelo. Nnari, iwo omwaamini wanyu paahi Muluku. Nto Muluku onimwiihana, paahi, "Phew, phew, phew!" owiihanakani, ti yeeyo eniir'awe vano, "Phew, phew!"

"Miyo nkinatoko opatiisiwa."

"Phew, phew!"

"Ahe, ahe, kawerya-ru opacerya paahi ni wira voovirikana."

"Phew!" Eyo, eyo t'itthu ene, opacerya, vano—vano munimwiira voovirikana mwapacerya-ru. Munnona? Muhaana orukunuwa, opacerya, moone.

Nyuwo muniira, "Ahe, miyo—miyo—miyo nkinatoko woona siiso."

210 Ahe, munna oophentiwa, kintthuna mukoonihe Yoolempwa emosa vaavo mutththu. . . Miyo koovaha *ela* iyaakha miloko miraru n'imoso sa muteko mulaponi mothene, ohoolo wa mapixipu n'akina, vatthu mutthu mmosa, mutthu mmosa otonko awe opatiisiwa enamuna ekina woohikhala ni Nsina na Yesu Kristu. Ni othene ale yahaapatiisiwe ni Nsina na Yesu, yaahaana orwa khupatiisiwa-tho ni Nsina nenlo.

211 Muluku aarina Nsina nimosa paahi, nto Nsina Nawe ti Yesu. Owo aari Mwan'Awe, Owo aakunxe Nsina na Mwan'Awe. Muluku! Vano, Yesu, erutthu aari mutthu. Hiyo noosuwela eyo. Ole aari Mwaana a Muluku aakhuneeliwe ni muuttutthi. Vano hiyo khinnaamini mwa enamuna ya unitariyu, atthu aniira wira Muluku ori ntoko ekatha anyu. Hiyo ninaamini wira siri mikhalelo mir-. . . miraru sa Muluku. Mikhalelo miraru sa Muluku, Muluku iisooniheny'awe-mo. Masi ori Muluku mmosa. Munnona? Eyo ekeekhahi. Hiyo khinnaamini. . . Hiyo ninaamini e—e. . . Mukihiye kikhalihe sa, hiyo ninnaamini wira Muluku aakhala mwa miteko miraru. Owo aahikhalana muteko mmosa elapo ya vathi emaara emosa.

212 Vano, nyuwo athiyana murowe epantte *ela*, ni nyuwo alopwana murowe epantte *ela*, muniitthokiha. Vano awo aniilikanyiherya muteko w'opatiiso vano.

213 Nto, vano, Muluku aarina miteko miraru. Mmosa wa seiyo wiihaniwa Otiithi, wala okathi wa Tithi; mukina aya wiihaniwa Omwaana; nto mukina wiihaniwa Eroho Yowarya.

Vano, olelo, exeeni—okathi xeeni Atithi anivar'aya-mo muteko olelo? [Muthukumano oniira, “Eroho Yowarya.”—Mol.] Eroho Yowarya. Owo aari exeeni mahiku avinre? [“Yesu.”] Yesu. Owo aari exeeni mahiku awo ehinatthi? [“Tithi.”] Masi aari Muluku mmosa paahi! Eyo ekeekhaii? Owo ti Tithi, Mwaana, ni Eroho Yowarya. Iyo miraru, miteko iyo miraru sa Muluku mmosa. Muluku mmosa!

²¹⁴ Masi vano, Tithi khanihiyo nsina, eyo ekeekhaii? Miyo kintthuna kookoheni. Vano kintthuna koovaheni Matewu 28:19, vaavo Yesu ohimmy'awe wira, “Murowe, mwawiixuttihe athhu a maloko othene, mwaapatise ni Nsina,” (N-s-i-n-a) “Nsina n'Atithi. . .”

²¹⁵ Vano kintthuna koone moota munsuwel'anyu Yoolempwa anyu. Mukileele kakhuma muliinyani. Vano Owo aahaahimeerya wira, “Murowe mulaponi mothene, mwaalaleerye Ehapari yooreera athhu othene. Ole onrowa waamini khupatisiwa onimooopowa. Ole ohinrowa waamini onoolamuliwa. Ithoonyeryo iya sinimwaattthara ale anrowa waamini. Mwa Nsina Naka anoowoomola axetwani,” (yothene eyo ekeekhaii?) “anooolavula ilavulelo isya, anoovara inowa.” Vano kinrowa woohimeeryani, Matewu. . .

²¹⁶ Vano nwiriyane. Kininkekela khula mulipa oolepa ihantisi. Vano ela eri mufiitani, ela enrowa mulaponi mothene. Kininkekela khula mulipa oolepa ihantisi arwe wa miyo akiruuhele yoosoma ya Yoolempwa, yoosoma emosa ya. . .wala kahi Yoolempwa, yoosoma emosa ya Yoolempwa wala khula ehantisi, khula eversikulu ya ehantisi etonko wooniherya wira khula muPrustante, wira mutthu ti mutthu ootoko opatisiwa ni nsina “n'Atithi, Mwaana, Eroho Yowarya” mpakha ekereja Katolika oruma wiiriwa oMuthukumanoni w'oNicea. Vano eyo eri mufiitani, eyo enrowa mulaponi mothene, entaphuleliwa mattaava miloko miraru ni mararu oovirikana. Miyo kinooliva mukwaha anyu wira mulapuwe ephareya yuulupale. Eyo ekeekhaii. “Tithi, Mwaana, Eroho Yowarya” ti yoowoothiwa, nikano n'eKatolika noowootha, ni kuhiyo opatiiso w'eKristu. Khweli! Lutero aakuminhe mukereja Katolika, ni katikeesi, Wesley khukuxa khukelela ohoolo. Masi nla nihiku no wooniheriwa aana a Muluku, okathi miiriirya saaipithihiwe okhuma wopattuxiwani w'olumwenku sinrow'aya osuwelihiwa. Ola p'ukathi. Vekeekhai.

²¹⁷ Muupuwele, khonakhaleke hata mutthu mBibiliani otonko opatisiwa ni nsina “n'Atithi, Mwaana, Eroho Yowarya.” Iyaakha imiya tthaaru numala okhwa wa murummwa ookiserya, khonakhaleke hata mmosa aatonko opatisiwa ni nsina “n'Atithi, Mwaana, Eroho Yowarya.” Awo jaarina. . .Miyo koosoma soopiili *Axitiithi Ohinatthi Nicea, Muthukumano w'oNicea*, nto okhuma vaavo awo aathokiha ele aniihan'aya “Ekereja y'oKristu y'elapo yothene” khupaka mutthenkeso mwa yeeyo

khwaakhanyererya atthu yeeyo, yeeyo yaari ekereja Katolika. Nuulumo nene *katolika* nnihimya “y’elaponi yothene,” ekereja y’eKristu y’elapo yothene, molumwenkuni mothene, ekereja emosa wira ekhuneele olumwenku. Nto oKristu ula, awo annakhanyererya atthu yoowo. Muhina mme awo aapaka, awo amukurunxe Venus khunweliha Maria. Awo amukurunxe Paulo...ahiiso Yupitere, khunweliha Paulo. Eyo nlelo ti y’epakawu! Ekeekhai. Ekereja Katolika ekhumme vaavo, nto nuuvira iyaakha imiya thanu... .

²¹⁸ Awo aakhalana efiilime naanaano va oLouisville, ya *Ben Hur*. Awo yaahikhalana *Sooruma Muluko* voohikhala khalayi. Kaanitthuna awo apanke-ene emosa, yaawerya vale, sa iyaakha ekonto emosa ni imiya thanu s’okathi w’epiphi. Kaanitthuna awo ahenle-ene yeeyo. Iyaakha ekonto emosa n’imiya thanu so olupattha w’epakawu, okathi awo yaakhanyerery’aya atthu othene ni owiiva, owiivakasa, owookolasa. Yaahela enyompe ntata nimosa ni enyompe ntata nikina, ni waapecariha mwiikimanyo wala opacerya oweettiherya epantte ela wala epantte ele. Miyo kaahihela ntata naka, oSuwisa iwe, ottuli wa mapotto vaavo awo yeemel’aya vale ni waathikilasa malumi aya ni owiihana okhala akhwiri ni itthu sothene sikina. Vekeekhai eyo ekhweelii. Khweli!

²¹⁹ Nto erooho ene yeeyo yookhala olelo. Ti malamulo paahi anikhotthiha. Mulipelele mpakha ephwanye otaphuwa waya. Bibilia ohimnye siiso. Mulipelele paahi mpakha yooniherye makhwili aya, ekhalane okathi yo wira. Nyuwo khino munoothanla eyo naanaanoxa, mwa sothene sinsuwel’aka. Munnona? Eyo eni, eyo enimoorwa. Khiivo enamuna y’osyaka. Ehaana orwa. Eyo ekeekhaii. Ehaana orwa, enimoorwa. Vano yarwa vale, nwehe paahi. Masi, munna, nyuwo munthuna osuwela etthu emosa ela, miyo kinnimusuwela Ole omwaaminni aka. Aleluya! Kikelelaka ohoolo. Moone. Ti yeeyo.

²²⁰ Wookhala okathi yoowo mu—mulipa oolepa, okathi waamuhimenry’aka mulipa oolepa Lam-...Lamsa—Bibilia Lamsa, okathi owo aawehaly’awe khoona ekanyeryo ele ya khalayi ya Muluku, vekeekhai yeeyo vekeekhai, malepa mararu mahaani mwa yeeyo, miyo khwira, “Xeeni iye?”

Owo khwira, “Ole ti Muluku mwa mikhalelo miraru.”

Miyo khwira, “Ntoko Tithi, Mwaana, ni Eroho Yowarya?”

Owo khukiweha. Owo khwira, “Nyuwo munnaamini yeeyo?”

Nto miyo khwira, “Ayo, mulopwana.”

²²¹ Owo khwira, “Miyo kaahoono othokorerya iwe ohiyu ule, koono wira mwaari profeta a Apwiya.” Khwira, “Muluku areerihe murim’anyu.” Khukipweherya moonoo awe, khwira, “Vano koosuwela wira ti yeeyo.” Owo khwira, “Atthu ala a wAmerika hata khansuwela exeeni.” Khwira, “Awo khansuwela

hat'etthu." Khwira, "Awo aneererya okuxa Eliivuru y'epantte Onikhuma nsuwa n'ukhaliha Eliivuru y'epantte Onikela nsuwa ni Yeeyo. Awo hata khammusuwela Bibilia aya." Owo khwira, "Khanivo hata Nsina nikina nivaheriwe vathi v'Erimu, hata Nsina nikina, okhala wira atthu othene yaapatisiwe ni Nsina na Yesu Kristu. Khiivo etthu ene eyo ntoko atthu araru mwa Muluku mmosa." Nto owo ti Munna Lamsa, Totori Lamsa, mutaphuleli a Bibilia Lamsa, yoowo okhanle mpatthani a vathhirima a Eisenhower ni matiplomata othene aalupale a molumwenkuni, ni itthu sothene sikina, aakipwehenrye miyoono sawe, khwira, "Nihiku nlo awo anoowoopelani mwaha wa yeeyo. Masi," khwira, "muupuwele, atthu othene ale yookhala ekhwenly'aya."

²²² Kaatthuna kikhale ntoko okathi Petru aatthukweliw'awe mukhatteya. Aahikhala mwammiravo mmosa memme ni khareere onanariwa. Nto owo khwira, "Oh, mulattu xeeni?"

Khwira, "Moosuwela wira munrowa wiiviwa?"

Petru khwira, "Ayo."

Owo khwira, "Ahe, muhanle okhwa olelo."

Owo khwira, "Ayo."

Owo khwira, "Ahe, awo a—awo a . . . nyuwo khamunoova?"

Owo khwira, "Nnari."

Owo khwira, "Nyuwu muhaana okhala mmosa w'ale awo aniwiihan'aya aKristu."

Owo khwira, "Ayo."

Khwira, "Exeeni ekhumelenle?"

²²³ Nto owo khumuhimeerya, owo khukilaathi khumutharihela wahala ene. Nto okathi waatthikel'awe, khurwa, owo khwira, "Nto kaamuwerya okhala ootaphuwa voosiis'ula. Kaamuwerya orowa wiitakanxa ni miromolelo saya kamosa-kamosa n'utthikela okhala mukumi, moone. Kaamuwerya okhala ootaphuwa. Masi miyo kipacenrye okhuma vamukhora wa muttethe, nto kaahimoono Mmosa arwaaka, avolowaka. Miyo kaahisuwela Owo aari Pani. Miyo khwira, 'Pwiya, munrowa woowi?' Owo khwira, 'Miyo kinootthika wira kakhomeliwetho.'" Khwira, "Miyo khutthika naanaanoru."

²²⁴ Okathi ene yoowo awo khwira, "T'ani nsina nawe okhanle Simoni Petru?"

Khwira, "Miyo kiri va!"

Khwira, "Hiyo noolikana wira nookuxeni."

Khwira, "Miyo koolipelelani yeenyu." Khweetta akhumaka.

²²⁵ Mmirav'ole khimukwannya vanikhatani, khwira, "Nwehererye minuutu mmosa, Simoni; miyo kinnimukupali

Muluku yoowo nave! Nto vano nkinoova; mukihye kikhale ole ontharelana.” Ti yeeyo. Aleluya!

Enikhala . . . Eyo ovuuva n’ephome, ayo, eyo
ovuuva n’ephome,
Ehapari yooreera ela ya Eroho Yowarya
enivuuva n’iphome,
Ephome y’awiixutti akhwenle Ekeekhai,
Ehapari yooreera ela ya Eroho Yowarya
enikhala n’uvuuva ephome.

Oopacerya okhwa mwaha mutek’ola wa Eroho
Yowarya,
Aari Yohani Mpatisa, masi owo okhwiye ntoko
mutthu;
Numala khurwa Pwiya Yesu, awo
khumukhomela Owo,
Owo aalaleiye wira Eroho yaamurowa
owoopola atthu mwa itampi.

Ookhala Petru ni Paulo, ni Yohani eemuluku,
Awo yaahivahererya ikumi saya wira Ehapari
yooreera ela yaarye;
Awo yaahitakanxa ephome aya, ntoko
maprofeta a khalayi,
Wira Masu a Muluku eekeekhai ewerye
ohimmwa vaxariya-vo.

Sookhala minepa vathi v’altaari, siniipulela,
“Mpakha liini?”
Wira Apwiya yaahukhumu ale aniira
sootakhala; (Nwiriyaane!)
Masi anoorowa okhala-tho ale anrowa ovaha
ephome y’ekumi aya
Okhala wira Ehapari yooreera ela ya Eroho
Yowarya ni evuavelo aya yooxeerya.

Eyo enivuuva n’iphome, ayo, eyo enivuuva
n’iphome,
Ehapari yooreera ela ya Eroho Yowarya
ovuuva . . . ephome,
Ephome y’awiixutti akhwenle Ekeekhai,
Ehapari yooreera ela ya Eroho Yowarya
enivuuva n’iphome.

²²⁶ Yoolempwa emosa paahi nihinatthi orowa:

. . . Vano awo yaahimwiirela Petru ni . . . n’akina aya,
Alopwana ni axinna, niireke exeeni wira noopowe?

. . . Petru aahiwaakhula iiraka, Murukunxe murima,
khula mmosa a nyuwo mpatisiwe ni Nsina na
Yesu Kristu wira muleveleliwe itampi sanyu, nto
munimwaakhela yoovaha ya Eroho Yowarya.

*Okhala wira natiri t'awinyu, ni t'awaya an'inyu, ni
t'awaya ale ari ottaiwene, othene ale Apwiya Muluku
ahu antthun'aya owiihana.*

²²⁷ Apwiya yooreeriheni vano. Okathi onkhum'ahu. Pooti oweha
opatiiso okathi hiyo . . . ? . . .



OKHALIHIWA AANA ³ EMK60-0522M
(Adoption ³)

ETTHARANELO YA OKHALIHIWA AANA

Mutthak'ola wa Munna William Marrion Branham, opaceryawene olaleeriwe ni Enkelesi Ettiminku vaasiisu, mahiku yeettaka 22 mweeri wa Maio, 1960, oBranham Tabernacle oJeffersonville, Indiana w'Amerika, okuxiwe wo okaravariwa mufitani ya makineti khulempwa wothene ni nttaava n'Enkelesi. Otaphuleliwa nno mw'Emakhuwani okhumiheriwe ni okaiwe ni Voice Of God Recordings.

EMAKHUWA

©2020 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Olopolo mwaha wa ihaakhi sa mwaneene

Ihaakhi sothene sinnaakiheriwa. Eliivuru ila pooti otthittiwa owaani wira mutthu arumeele wala okaiwa, voohilinwa etthu, ntoko ekaruma y'olaleerya Ehapari yooreera ya Yesu Kristu. Eliivuru ila ehitemihiweke, otthittiwa eyaattelo yuulupale, oheliwa muwepisaiti, oheliwa moothukumanyiwa wira ekuxiwe-tho, otaphuleliwa ni mattaava makina, wala orumeeliwa wira ophwanyiwe musurukhu vahikhanle n'utthuniheriwa woolempwa ni Voice Of God Recordings®.

Mwaaphavelaka wiiwa-tho wala ikaruma sikina sikhanelle, xontte mulavule ni:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org